





41623

Fran

222

10.7

inc

9078

34.40

21.70

22.21.40

3.0

1.0

SIMONIS
STAROVOLSCI
POLONIA,
*nunc denuo recognita
et aucta.*



DANTISCT.
Sangubus Georgii Förstere. S. R. M. Bibliopole.
MDCLII.
Cum Privilegio S. R. M.

Dok. K 235/63

Wojciech Wykowska

<http://rcin.org.pl>

ILLVSTRISSIMO³
DOMINO,

Dn. ACHATIO DE
PRZYLEK PRZY-
LECRI CASTEL-
LANO OSWIECI-
MENSI IN PIOTR-
KOWICE ET
ZEMBRICE, Domi-
no & Hæredi, Domi-
no ac Patrono Observan-
dissimo.

POLONIÆ faciem a
nemine magis expressam gra-
pbicè, quam a Simone Staro-
volscio, constans invaluit jam
periliorum, quotquot sunt, sen-
tentia. Quum igitur inde sit fa-
ctum, ut expetatur ejus viri li-
bellus bic indies magis, tum a pa-
triæ civibus, tum preterea pas-
A 2 sim

sim ab exteris ; meum est , arbitrор , ut alias gratificari semper omnibus pro virili , sic & expletum ire nunc isthac ipsorum desideria . Tu vero & Senator ingens es ejusdem Regni amplissimi , & favore multiplice ac gratia me totum fecisti tuum . Cui nam ergo , nisi tibi , offeram id opusculum , in observantiae debitae gratijs animi tesseram saltem aliqua ? Accipere , quicquid ejus est , sereno vultu , nihilq ; porro patrocinari , ne dedigneris , cernuis obsecro . Sic aeternum tibi contra bene faxit Numen . Dabam Dantisci 7 Ianuarij 1652 .

Illusterrimae Dn . Suæ devo-
tissimus cliens

GEORGIUS FORSTERUS,
 S.R.M. Bibliopola.

SIMONIS STARO-
VOLSCI

POLONIA,
Sive status

REGNI POLO-
NIÆ
descriptio.



POLONIA, antiquis Sarmatia Europæa dicta, uti nunc a sapientissimo Rege, Sigismundo III, moderatur, octo in universum provincias sub uno sceptrō continet: moribus, le-

A 3 gibus,

gibus, lingua, ex parte differentes: vivendi vero genio, libertatis prærogativa, capessendotumque in Repub. honorum aptitudine, omnes ex æquo pares, & iuribus necessitudinum inter se invicem adstrictas. Hoc est, Poloniā utramque, Litvaniam, Russiam, Prussiam, Masoviam, Samogitiam, Pomeraniā & Livoniam. De quibus singulis, quamvis & sigillatim & in communi, plurimi viri prudentes, tum nostrates, tum extranei, scripserint; quia tamen assidua est harum sublunariū rerum mutatio, & potentissimorum quorumvis imperiorum fatalis quædam

hac

hæc conditio , ut singulis
 fere sæculis ac ætatibus acci-
 piant novas inclinationes ,
 aut incrementa : Ideo , qua-
 lem nunc patria nostra sorti-
 atur statum ; qualesve ser-
 vent sub coronam aggregati
 populi , mores & consuetu-
 dines inter se ; quas vires ;
 quas opes ; quod regimen ;
 quam religionem ; quos de-
 niique vicinos habeant , &
 quam potentes : hoc specia-
 li libello perstricta , posteris
 tradere constitui , ut candi-
 dus lector , conservatam
 haetenus , prout à majoribus
 nostris accepimus , imo au-
 stam , Sarmatiam nostram vi-
 dens , non' prudentiæ alicui
 humanæ (ut a. fol. 11. modic

ni politici) aut potentiae amplissimi Regni, hoc ascribat, sed divinæ prorsus benignitati, quæ veros sui cultores, quamvis in faucibus immannissimorum hostium positos, incolumes pro sua misericordia servat; & à primo gentis authore Lecho, in hodiernum, liberos atque florentes, nec ullius unquam jugo pressos, circumviciinis etiam populis, sœderum leges praescribere finit.

SITVS POLONIÆ.

Regnum Poloniæ, cum adjacentibus sibi provincijs, extenditur in longum, à trigesimo octavo gradu, ~~adu~~ quin-

quinquagesimum quartum ,
ab occasu æstivo versus or-
tum hibernum , amplius
quam per ducenta quadra-
ginta milliaria Germanica.
In latum verò à montibus
Carpatiis , usque ad mare
Baltheum seu **Venedicum** ,
per ducenta plus minus milli-
aria. Ab occasu cingitur
Marchia Brandenburgii , &
Pomerania ulteriore. A sep-
tentriione mari Venedico &
Sarmatico , cuius adversa
littora Gotthi atque Suedi te-
nent. Ab ortu Moscovia ,
& campestris Scytharum so-
litudinib us. A plaga demum
Australi , Valachia , Un-
garia , atque Silesia. Regio
tota fere plana & aprica est ,

A s n i s

nisi qua ad fines Ungariæ accedit, montana & sylvestris. Quo longius autem inde recedit, eo lenius declivis est, magisque culta, & meliore gleba. Nisi quod in meditullio minoris Poloniae Calvus mons supereminet, in quo monasterium est S. Crucis nomine, lignoque, in quo Salvator noster pependit, celebre: reliqui colles fere in toto Regno sunt potius quam montes. Sylvetris sane fuit superioribus temporibus pleraque omnis Polonia, non modo Lituania: sed nunc ubique diligerenter excolitur, frugum leguminumque ferax, & pratiss abundantans. Et quamvis

cœli

cœli intemperie nimium la-
borat , pomaria nihilomi-
nus non infrequentia & fru-
tuosa passim habet : in qui-
bus pirorum , malorum ,
prunorum , persicorum , ce-
rasorum , & nucum bonitas
& varietas certat cum Un-
garicis & Italicis. Sunt & vi-
tes pluribus in locis , qua-
rum uvæ esui quidem non
insuaves sunt , præsertim si
æstas & autumnus temperi-
em suam servent : sed vinum
inde expreßum acerbius , ubi
defæcatum est. Neque negat
solum Polonicum castaneas ,
mora , cotonia , ficus , amyg-
dalas , crocum , arisam , pepo-
nes , melopepones , herbas &
flores omnis generis , & alias

hortenses Italiæ delicias, palatinariumque lenocinia. Nec metalla fossiliaque defunt, ut suis locis dicetur, plumbi, ferri, æris, cupri, argenti & auti. Avium quoque & altilium, magnam habet copiam: itemque jumentorum omnis generis, & ferarum; cervorum videlicet, aprorum, ursorum, luporum, sciurorum, dorcarum, leporum, onagrum, bisontium, capraru[m], urorum, pantherarum, mardurum, vulpium, rosomacorum, lutrium & castorum. Similiter piscium diversorum, quotquot nominari possunt: nam fluviis, lacubus, piscinis atque

que stagnis supra modum
abundat. Inter fluvios ta-
men præcipui sunt Vistula ,
Dona jecius , Sanus , Vie-
per , Varta , Noteſſius , Du-
na , Nemenus , Nester , Pru-
tus , Bugus , Bohus , Pri-
petius , Narva , Drevan-
cia , Beresina , Boristhenes,
omnes fere navigabiles. Sed
sigillatim quamlibet provin-
ciam cum suis qualitatibus
videamus.

M A-

MAJOR POLONIA.

Tota in universum Polonia, extenditur in longum per nonaginta millaria Germanica, incipiens à Marchia Brandenburgensi ab occidente, usque ad Vislocam fluvium ; qui è Carpatiis montibus profluens , Russiam à Polonia disternat , & quatuor à Resovia millibus Sano illabitur. Latitudinem vero habet 50 mill. à prædictis montibus Carpatiis , usque ad oppidum Parcoviam, in confinibus Lituaniae positum. Dividiturque in Majorem & Minorem.

Ma-

Major versus occasum est ,
tota fere plana & fluiis irri-
gua ; nisi quod Cujaviæ
nonnulla pars clivosa est ,
collibusque molliter & ad
fertilitatem commode distin-
cta . Habet a meridie Silesi-
am , Marchiam ab occasu &
Pomeraniam ulteriore :
Prussiæ partem & Masoviam
a septentrione , a quibus Vi-
stula disterminatur : ab ortu
vero Minorem Poloniam ,
variis , iisque ignotis termi-
nis divisam , sed quos inter
Pilcza fluvius præterlabitur.
Tota autem hæc Majoris Po-
loniæ amplitudo , in octo
satrapias dividitur : in Pala-
tinatum videlicet Posnani-
ensem (cui & Wschouiense
terri-

territorium adjungitur) Calissiensem , Lanciciensem , Brestensem , Junouladislaviensem (& hæ duæ satrapæ vulgô Cujavia dicuntur) Siradiensem , Rauensem , & terram Vielunensem . Provinciæ metropolis POSNANIA est , ad fluvium Vartam , longitudinis gradu 39, latitud. 52 sita , à qua & districtus nomen habet , primumque sibi locum inter satrapias vendicat. Ubis quidem ipsa parva est , sed pulchra satis , & commerciis emporioque Germanorum exculta , suburbia amplissima habet : ubi & templum Cathedrale , cum Collegio Canonicorum , & aula Episcopi ,

pi, inter paludes situm est,
vulgò Valisoviam dicunt,
quæ instar oppidi locum mu-
nitioni aptissimum habet. Jo-
annes Lubranscius, Episco-
pus loci, memoria omnium
seculorum & laude vir digni-
ssimus, publicum ibi Gym-
nasium, patrum memoria,
erexit, Cracoviensisque A-
cademiæ (quæ semper habi-
ta est domicilium omnis sa-
pientiæ, & in qua ipse quo-
que omni meliori doctrina
perpolitus I.V. lauream pro-
meruerat) Professoribus cu-
randum reliquit. Quod dein-
ceps Adamus Conarius, ejus
successor, augustiori struc-
ta exornavit, Comes verò
Rosrascius majoribus sti-

B pte-

pendiis auxit. Unde, quamvis Clerici Soc. Jesu, in urbe ipsa habeant suum Collegium, in quo studiosam inventutem erudiunt, floret nihilominus in suburbano Lubrancianum Athenæum, certatim eo nobilitate concurrente, ob Mathematicas disciplinas, & Juris prælectiones. Florent & in Monasteriis studia Religiosorum; sed præcipue apud Dominicanos sodales Theologia, magno auditorum concursu, viget: pietas æquè apud omnes. Septem inde milliaribus Gnesna distat, cuius Archiepiscopus Ecclesiæ Polonicæ Primas est, & Regni totius Primus Princeps: olimque

uitus

urbs ipsa Regni caput erat ,
quod nimitum a Lecho gen-
tis authore primum ercta
esset , & à regiae avis omne
auspicato nomen sortiretur.
Nidus enim in Sclavonico ,
gnesdo , dicitur . cum autem
ille in eo loco nidos aquila-
rum plurimos reperisset , ur-
bem quam inibi condidit , à
nidorum multitudine Gnes-
num appellavit : pro insigni
autem militari , aquilam al-
bam assumpsit , quo etiam-
num Regnum Poloniæ uti-
tur. Archiepiscopus igitur
Gnesnensis , à Concilio La-
teranensi , in spiritualibus ,
vices summi Pontificis gerit ,
& Legatus Natus appellatur:
in politicis autem , præcipue

interregni tempore, Pro-
gis authoritatem habet. Et
prout Collegium illius ob-
excellentiam suæ Metropo-
litanæ Ecclesiæ, præter ali-
arum Cathedralium morem,
Cancellarium cum dignitate
habet, qui munimentorum
& libertatis illorum (omnes
enim nobiles esse debent, nec
ad præbendas adiunguntur,
plebeiis orti parentibus, in
ullo Capitulo Cathedrali, in
tota fere Polonia, nisi certus
Doctorum numerus, assigna-
tus ex fundatione,) custos
quodammodo est. Sic Ar-
chiepiscopus ipse, supra di-
gnitatem & prærogativam a-
liorum Antistitum, aulicos,
cubicularios pueros, aliosq;
mi-

ministros & satellites , more
regio habet , & qui inter eos
eminent , Cancellarium spe-
ciale , atque Mareschalcum .
Quorum ille , judiciis spiri-
tualibus , quæ ad curiam Ar-
chiepiscopi devolvuntur ,
cum autho:itate p:raest: hic ,
cum in publicum Princeps
prodit , baculum seu virgam
illi p:raesert , prout Regib:us
ipsis p:raeferti in Polonia mos
est ; & aulam ipsius totani
ipse moderatur . In metro-
politana itaque Gnesnensi
Ecclesia , Divi Adalberti ,
Archiepiscopi olim loci il-
lius , honorantur reliquiæ , se-
pulchro in medio templi pul-
cherrime exstructo ; pro
quibus asservandis , Sereniss-

simus Rex Sigismundus III. tumbam argenteam donavit precii haud contemnendi ; cum & antea cistæ argenteæ inclusæ fuissent , sed non ita affabre exstructæ. Habetque sanè templum illud inæstimabilem thesaurum in vasis aureis, argenteis, & gemmatis, quæ veteres Principes & Archiepiscopi tabulis legarunt ; & nuper defunctus Henricus Firlei , præter alia vasa & vestes pretiosas, quas Ecclesiæ illi donavit , dedit etiam tiaram suam Episcopalem , viginti quatuor millibus florenorum æstimatam. Cætera oppida satrapiae Posnaniensis sunt , Costenum , Uschovia , Slupcia , Fysdra ,
Co-

Coninum, Kcina, Kazimiri-
a, Naclum, Curnicum, quæ
& muris exornata sunt, &
non infrequentia habentur:
reliqua vero omnia sine ullis
mœnibus sunt, & nec nisi
ligneis ædificiis constant,
præter templa, & castella,
sive arces adjunctas, aut mo-
nasteria Abbatiarum præpin-
grium, quale est, Landen-
se, Obrense, Lubinense,
Blesoviense, Uongroucen-
se, Paradisense, Mogilnen-
se, Tremesnense, Præmen-
tense, & reliqua Ordinum
mendicantium. Senatores
vero hujus satrapiae sunt, Ar-
chiepiscopus Gnesensis, E-
piscopus Posnaniensis, Palat-
inus Posnaniensis, & Castel-

B 4 lani

Iani septem, Posnaniensis, Medireccensis, Rogosnensis, Stemensis, Præmentensis, Crivinensis & Santocensis. Sunt & officiales tam terrestres, quam castrenses; præfectique civitatum partim cum jurisdictione, partim sine jurisdictione, ut in omnibus regni provinciis habere mos est. Posnaniensis nihilominus præfectus, hanc prærogativam habet, ut Generalis Majoris Poloniae dicatur, & in aliquot distritibus suam jurisdictionem exerceat.

C A L I S S I U M urbs ad fluvium Przofna inter paludes sita: muro latericio, cum turribus, cincta, aliquot

quot religiosorum monasteria & templum Canonorum habet; itemque Collegium Societatis IESU sumptuosissimum, quod Stanislaus Karnkowius Archiepiscopus olim Gnesnensis, vir rerum civilium cognitione, cum eruditione eximia, tum prudentia, integritate, aliisque dotibus, in Repub. clarus, suis sumptibus extruxit, & inibi sepeliri voluit. Regio, sicut & tota Major Polonia, frugibus, piscibus, & pecoribus abundans est; minoribusque oppidis admodum frequens, quorum præcipua sunt, Stavum, Colum, Cosminum, Dobra, Grabovia, Opatovicia, Ple-

B 5 sovia,

sovia , Odolanovia cum arce
in paludibus sita, & Chocia ,
in qua nuper Reverendissi-
mus Episcopus Cracoviensis
Andreas Lipski , Ecclesiam
Collegiatam & Præpositum
insulatum , sumptu ingenti
fundavit. Haud procul in-
de conspicitur Goluchovia ,
arx Comitum a Lesno , re-
centiori architectura exstru-
cta : itemque parte ab alia
Crotosinum cum horto pul-
cherrimo Comitum Rozra-
zoviorum , & oppidum Bo-
rek , imagine miraculosa B.
Mariæ percelebre ; ingens e-
nim e tota Polonia eo homi-
num devotorum concursus
fieri solet, qui singularem ibi
numinis fauorem experien-
tur.

tur. Est & Olobocum duobus miliaribus à Calissio, monasterium Monialium prædives, & pulchre in modum castelli ædificatum. Habet autem satrapia hæc Palatinum proprium, & Castellanos sex, Calissiensem, Gnesnensem, Landensem, Naciensem, Biechoyiensem & Camenensem.

SIRADIA, ad Vartam fluvium posita, in quatuor territoria satrapiam suam dividit; in Siradiense videlicet, Schadkoviense, Radomscense & Petricoviense. Habetque præter Palatinum, Castellanos quatuor, Siradiensem, Rospirensem, Spicimiriensem & Conariensem: oppi-

oppida vero præcipua, Vidaviam, Vartam, Pabianice, Lascum, ubi olim Johannes Lascus Archiepiscopus Gnefnensis, hæres comitatus illius, Præpositum insulatum ditissime fundaverat: auxerunt autem Ecclesiæ suppellectilem, illustres illius fratres, collatis amplissimis donariis. Septem autem milliaribus inde, est Petriovia, urbs non inelegans, in qua Regni Tribunal, seu Parliamentum, singulis annis celebratur; & aliquot stadiis inde Byki, arx Baionum ejusdem cognominis, pulcherrime exstructa. Est & Abbatia insignis Vitoviensis in proximo: & paulò remotius Itali-

Italicæ architecturæ palatiū Crisinense.

Huic Palatinatui adjacet Terra Vielunensis, quæ proprios magistratus habet & Castellatum ; dividiturque in territoria, Velunense & Ostrosvoviense ; quæ aliquot oppida in se (præcipue Boleslaviciam cum arce munitissima) continent, atque pagos infinitos. Ipsa urbs Velunia pulchras domos latericias habet, & templum Canonorum fabricæ antiquæ, itemque monasteria aliquot elegantia : sed quæ omnia superat illud Zloczoviense F.F. Minorum de Observantia.

R A V E N S I S satrapia habet Palatinum & Castellanos

nos tres , (in tot enim terri-
toria dividitur) Ravensem ,
Sochacioviensem & Gost-
nensem . Oppida præcipua
sunt , Rava , ligneis quidem
ædificiis constans , sed po-
pulata satis , arcem muratam
habet , in qua proventuum è
bonis Regiis , solutioni mili-
tum , quarta pars deponitur :
sic enim Reges superiores vo-
luerunt , ut assiduæ in Podo-
lia , contra barbarorum excur-
siones , excubiæ fierent . In
eadem arce communissimè
asservantur captivi hostes
patriæ , si sunt personæ ho-
noratores : qualis nostra æ-
tate ibi fuit , filius naturalis
Caroli Regis Sueciæ , bello
Livonico cum aliquot legio-
num

num Præfectis captus; & nuper Baudisius, Gustavi Regis Sueciæ militum Tribunus, itemque Streffius, Taiflius, & alii, aliarum ductores, bello Prussico capti. Collegium hic studiosorum frequentissimum Societatis JESU clerici habent. Sed longe populosius est Lovicium, residentia Archiepiscopi Gnesensis, quinque milliaribus Rava distans. Nundinæ quotannis ibi fiunt celebres, unde cives quoque mercaturæ addicti. Arx Archiepiscopalis in mediis paludibus sita, pulchra ædificia habet, itidemque Canonici & cives nonnulli: Ecclesia namque Collegiata ibi est, satis argento

gento & vestibus sacris dives: similiter monasteria & tempa alia. In agro Loviciensi nobilium avicularum quæ Sniegulæ vocantur (quasi nivales ayes dixeris, ut Crome-
rus author est: quod non nisi sub hyemem excipientur, & cum hyeme simul dispareant) famosa est captura: alibi eas conspici aut capi negant incolæ loci illius. Volboria quoque, Cujaviensis Episcopi residentia, palatum pulchrum ad aquas situm habet, & oppidum ipsum habitato-
ribus plenum: est etiam aliquis notæ Gombinum, So-
chaciovia, Gostininum (nobilitatum carcere Demetrii Suiscii Magni Ducis Mosco-
viae,

viæ , qui ibi in arce longo tempore asservabatur, & tandem pedore consumptus vitam expiravit) Squernevicia, haud inelegans palatium Archiepiscopi Gnesnensis continens; Biala, Chelmensis Antistitis ditio, unde conspicitur Radzejovia, ejusdem cognominis Palatini Lenciciensis arx pulcherrima, hortos, fontes, & pomaria amœnissima habens.

Tum Viasdum oppidum arcis elegantia conspicuum, quasi ad lævam Ravæ civitatis positum. Ravensi vero satrapiae vicina est **L E N C I - C I E N S I S**, in tria simili- ter prout & illa territoria di- visa, Lenciciense videlicet,

C **Bre-**

Brezinense, & Orloviense. Præterque Palatinum quatuor Castellanos habet, qui ad Senatum Regni spectant, Lenciciensem, Brezinensem, Inoylodensem & Connariensem. Præcipua districtus urbs Lencicia, in paludibus sita, templum Canonorum longè extra urbem in loco sanè inexpugnabili habet, si eum vel levis ars architectonica juvisset, ipsa nundinis celebris, & comitiis nobilitatis illius palatinatus, qui ibi sua judicia peragunt. Est & Piontkum ab una, atque Uniejovia parte ab altera, civitates Archiepiscopi Gnesnensis non contemnendæ, in quarum posteriore

riore arx ad Vartam affabre facta conspicitur : in priore autem Monasterium F.F. S. Pauli primi Eremitæ.

Sequitur Cujavia, in duos Palatinatus divisa, Brestensem nimirum & Juniuladislaviensem ; regio frumenti, pecoris & piscium ferax ; lacus etenim innumeros habet, eosque piscofos valde, quos inter præcipuum locum Goplus habet, quinque millaria patens in longum, semis in latum. Et B R E S T E N-
S I S quidem satrapia, unum Palatinum, tres verò Castellanos habet, Brestensem videlicet, Crusuiciensem & Covaliensem : territoria autem

.C 2 quar-

quatuor, Brestense, Crusvi-
ciense, Covaliense & Piæde-
cense. In Brestensi, Vla-
dislavia est, sedes & oppidum
Episcopi Cujaviensis & Po-
meraniæ, templum Cathe-
drale, veteris quidem fabri-
cæ, sed varia suppellectili, ac
præcipue vasis argenteis di-
tissimum habens. Circa, do-
mus Canonicorum, schola
& Seminarium; arx vero ipsa
ad confluentem Vistulæ sita,
sicut & oppidum, domus la-
tericias complectens. In eo-
dem littore conspicitur Nisa-
via tota murata, nec valdè
longe Raciensum, arce pul-
cherrima exornatum; item
Radziejovia, Sluzevia, atque
Breste ipsum, vallo, muris,
&

& fossa cinctum, latericiisque
domibus interiectu trabium
exornatum. Regio hæc,
ferendæ segeti habiles cam-
pos ostendit, omniumque
frugum copiam habet, quæ
non modo in domesticos
usus suppetant, verum etiam
Dantiscum ad nobilem illum
mercatum secundis amnibus
devehantur.

Eodem modo JUNI-
V L A D I S L A V I E N-
S I S satrapia tria territoria
complectitur Bydgostense,
Bobrounicense & Junivladis-
laviense, quod statim a Go-
plo lacu & oppido Crusuicia,
usque ad Vistulam & fines
Pomeraniæ extenditur, ha-
betque complura oppida &
C 3 villas

villas , quamvis lignneas omnes : & præter Palatinum , tices ad **Consilium Regium Castellanos** mittit. Junivladislaviensem, Bydgoſlensem & Conariensem. **Crusicia**, quæ ad Brestensem palatinatum spectat & in Junivladislavensis satrapiae finibus posita est, habet templum extra oppidum S. Petri è quadrato lapide extructum cum collegio 24 Canonicorum , & arcem latericiam in insula lacus Goplensis , in qua olim Regem Popielium divina ultiōne permittente, mures devorarunt , quod plurimos consanguineos suos, regnandi cupiditate, veneno in convivio sustulisset. Bydgoſlia

stia est civitas murata, Collegio Clericorum Societatis IESU nobilitata, habetque maximam copiam Sulmonum, sicut & Pacostia rhombuum. Sunt & alia ibidem non contemnenda loca, populationesque bonae, ut Gnieuvovia, Vratislavia, Solecia, Dibovia atque Strelce, ubi Monialium totius Majoris Poloniae ditissimum monasterium habetur.

C 4 POLO-

**P O L O N I A M I -
N O R .**

TAM in longum, quam in latum, quinquaginta ferè millaria Germanica, Minor Polonia habet, & in ttes communissimè satrapias seu Palatinatus dividitur, Cracoviensem, Sendomiriensem & Lublinensem, hoc ipso ordine, quo nunc suat enumerati, versus Aquilonem & ortum æstivum sitos. Et à septentrione quidem Masoviæ atque Podlachiæ tractui, ab occidente Majori Poloniæ, ab ortu Russiæ, à meridie vero Ungariæ & Silesiæ finitima est. Quoque proprius acce-

accedit ad fines Ungariæ, hoc magis montana est & sylvestris : quo longius autem inde recedit, eo lenius declivis est , magisque culta , & meliore gleba. Tametsi in mediterraneo quoque Sendomiriensis terra aliqua ex parte leniter montosa, seu verius clivosa appareret. Uno Calvo monte excepto , in quo monasterium Benedictinorum est , S. Crucis nomine lignoque celebre; tum aliud ad radices ejus , duobus milliibus inde S. Catharinæ , FF. Minorum de Observantia.

C R A C O V I E N S I S
Palatinatus, præter suos quatuor districtus (Cracoviensem, videlicet, qui duo terri-

C s toria

toria complectitur, Xianzense & Prossoviense, Lelovensem, Biécensem & Sandensem, in quos dividitur,) etiam tres Ducatus in se continet, Osvecimensem, Zatoriensem, Severiensem, qui partes sunt Silesiæ, & Comitatum Scepusiensem, qui est pars Ungariæ, tredecim oppida continens, inter quæ Luboulia præcipuum locum sibi vendicat, arcem munitissimam, & in ea perpetuas excubias habens; Podolinecia quoque Collegio Piarum Scholarum per celebris. Reliqui vero omnes hujus satrapiæ districtus, tres & nonaginta populationes, præter pagos & villas continent,

nent, templis, monasteriis,
& castellis exornatas. Ac
præter istas, sunt etiam arces
in editoribus locis & rupi-
bus extiunctæ, Melstimum,
Rabstimum, Tencinum, Lan-
discorona, Moravica, Xian-
sia, Ogrodeneccia, Lipove-
cia, Ocieciūm, Visnīce, Pil-
cia, Sorstenum, Bobeck,
Spitkovice, Soben, & cæte-
ra. Sed sunt & monasteria
ad munitionem pariter &
commoditatem habitatorum
exædificata, & vicis pagisue
non longè distantibus fre-
quentata, Tinecense, Mo-
gilense, Bielanense, Calva-
riæ, Miechoviense, Sielecen-
se, Visnicense, Siriciense,
Hebdoysiense, Alyernense,
Sta-

Stanantecense , Andreovi-
ense, Preroviense, Gidlense,
Mstoviense & Czenstocho-
viense. CRACOVIA ,
caput provinciæ, & regni to-
tius Metropolis , posita lon-
gitudinis gradu 42 latitud. 50
quæ cum ædificiorum pri-
vatorum juxta ac publico-
rum splendore atque muni-
tione , tum rerum omnium
adictum cultumque corpo-
ris pertinentiam, & mercium
exoticarum copia, hominum-
que frequentia & civilitate
facile cum claris Germaniæ
Italiæ quæ urbibus compara-
ri potest. Habet adjuncta
sibi duo oppida , à meridie
Cazimiriam , à septentrione
Clepaïdiam , arcem vero in
rupe

rupe quasi medium Vistulæ
imminentem , & magnificis
ædificiis exornatum. Ibidem-
que Baflicam S. Stanislai, in
qua ejus sepulchrum nuper à
Martino Szyscovo loci Epis-
copo sumptuosissimè restau-
ratum est ; cum etiam antea
tumbam argenteam multaque
aurea vasa cultui divino sa-
crata habuerit : sed ea longè
auxit piorum Regum è Ja-
gellonica prosapia liberalitas,
tum Sigismundi III ejusq;
filii Vladislai IV pietas, Si-
gismundusque Senior præter
donaria alia in crucibus au-
reis & vestibus gemmatis
oblata , argenteum altare ,
ad Divi sepulchrum crexit ;
ejusque deinde filia , Anna
Regis

Regis Stephani uxor , aliud argenteum altare in capella Annunciatæ Virginis, ubi Regum sepultura est , patris sui Manes venerata , statuit : tectoque deaurato Oratorium illud condecoravit . Taceo hic tot Reliquias Sanctorum , auro , argento , gemmisque pretiosissimis exornatas ; taceo cruces lapidibus & margaritis lucentes , quæ tot milibus aureorum æstimantur ; taceo mitras Episcopales , casulas & pluvialia ex ipsissimis gemmis factas cum hæc pretium fere omne superent , faciantque eo majorem stuporem mirantibus , quo magis considerantur & diligenter inspiciuntur . Hoc dicam,

cam, quod ditissime etiam in Europa provisis Ecclesiis cum hac nostra commune non est. quod in ea videlicet perpetuo cantetur, & nusquam silentium fiat, sacerdotibus in certas classes ob id dispositis, qui per totam noctem psallunt. Cumque centum circiter singulis diebus in ea sacrificia peragantur, octo Missæ ordinariæ cantantur a sacrorum mystis, & ex eis duæ concentibus Musicis. Episcopus ipse, tredecim civitatum dominus est, & Ducatus Severiensis supremus Princeps. Capitulum, quod 36 Canonicis constat, cum reliquis inferiores ordinis sacerdotibus, tantundem in re-
diti-

ditibus, quantum & Episco-
pus, habent. Omitto hic ali-
as quinque Ecclesias tam in
arce, quam in urbe sitas, quæ
proprios Canonicos & Capi-
tula sua habent. Omitto Mo-
nasteria ditissima, & parœcias
urbis, inter quas principem
locum tenet illa in Circulo
Cracoviensi, Beatæ Mariæ
Virginis, quæ Archipresby-
terum insulatum habet, &
ob Cleri numerositatem si-
militer prout & in arce, totis
noctibus assiduo laudes divi-
nas concinit. Venio ad A-
cademiam, eruditorum o-
mnis generis fertilissimam
officinam, quæ totius Sarma-
tiæ sidus lucidissimum est, pa-
riter ut olim Græciæ oculus
Athe-

Athenæ. Hæc in universum undecim collegia habet. Collegium majus in quo Theologi, Collegium minus in quo Philosophi, & Collegium Iurisperitorum, in quo ejus artis Professores habitant & prælegunt. Medici enim quia communissime uxorati sunt, extra collegium manent, quisque in domo propria. Bursa Iurisperitorum seu Collegium Dlugof- sianum, in quo Astreæ candidati manent. Collegium pau- perum seu Bursa Iagellonia- na, Collegium Philosopho- rum seu Bursa Noscoviana, Collegium Hierusalem seu Bursa Oleśnickiana, collegi- um Zisinianum noviter ere-

D etum,



etum, collegium Staringilia-
num , Smiescovicianum &
Collegium seu Classis artium
humaniorum. His adjungi
poslunt 14. scholæ Gramma-
tices , sparsæ per urbem , in
quibus alias etiam superiores
artes Academiæ Magistri do-
cent, sub uno capite Magni-
fico Academiæ Rector, sin-
gulæque Facultates, certis le-
gibus suos regunt , & studi-
um magna sedulitate diri-
gunt ita , ut nullus fere Ec-
clesiasticæ aut Politicæ di-
gnitatis ordo sit , in quo non
reperiantur, qui in Alma hac
universitate exercitati non
fuerint. Faxit immortalis De-
us , ut florentissimæ Aca-
demiæ gloria , quæ tam mul-
toium

torum in se amorem, variis
exercita ærumnis, convertit,
& pietatem excitat, nulla aut
fortunæ, aut invidiæ vi un-
quam collabescat. Sunt & in
Monasteriis Religiosorum
Mendicantium studia tam
Philosophiæ quam Theolo-
giæ florentissima, apud Au-
gustinianos, in Monasterio
S. Catherinæ, apud Francis-
canos, tam Conventuales,
quam de Observantia, apud
Carmelitas Discalceatos in
suburbano, apud Ignatianos,
ad Sanct. Petrum Majorem,
apud professos Sanct. Pauli
Primi Eremitæ, in Rupel-
la, atque alibi apud alios.
sed maxime apud Domini-
canos ad ædem SS, Trini-

tatis , qui antiquitus eruditione simul & vitæ integritate excelluerunt , & etiamnum habent prælectores viros omni judicio doctissimos , & unà verbi Dei prædicatores celeberrimos. Sed & corpora sanctorum quiescunt in hac urbe plurima , ac præcipue quæ miraculis clarent sunt, S. Stanislai, S. Prandothæ, S. Ioan. Grothij in arce, S. Hycianhi & Iuonis Episcopi apud Sodales Dominicanos, S. Isaiæ Confessoris apud Augustinianos Eremitas, S. Stanislai Cazimiriensis apud Canonicos Regulares, S. Simonis Lipnicæ apud Minoritas , de Observantia qui omnem ætatem suam,

suam , tam in seculari, quam monastica vita , magna puritate & innocentia peregit , ita ut cunctis exemplo esset. Sanctus quoque Joannes Cantius Academicus, vir uti eximia vitæ sanctimonia, sic & præstanti excellens doctrina apud S. Annam quiescit : & cum illo plurimi pietate insignes viri, Antonius Anapachaniæ, Rochus Posnaniensis , Simon Halicius , aliquique plures alibi, morum svavitate , & vitæ inculpatæ innocentia celebres, ut Stanislaus Kokoszka , Bartholomæus Bontkovius. Ioannes Vielicius , Sebastianus Nucerinus, sed principaliter apud S. Marcum B. Michael

Gedrucius. Reliqui, quorum
præter summam vitæ inte-
gritatem, doctrina quoque
varia & recondita fuit, sunt
scripti in libro vitæ. Sunt &
confraternitates piorum ho-
minum in hac urbe celeber-
rimæ quæ solemnioribus fe-
stivitatibus juxta veterem ri-
tum diversis coloribus in pro-
cessionibus vestiuntur, vide-
licet Confraternitas Rosarij
colore rubro, Confrater-
nitas Misericordiæ colore
viridi, Confraternitas Sca-
pularis colore cœruleo,
Compassionis Christi co-
lore nigro, Confrater-
nitas Italorum colore ni-
veo, Confraternitas Corpo-
ris Christi colore niveo,
cum

cum caputiis rubris, Confraternitas Sanct. Sophiae colore albo nitido. Confraternitas Sanct. Annæ albo obscuro, Confraternitas, Sanct. Monicæ colore lazuro &c. Sed nos, facta obiter religiosæ pietatis mentione, quæ ad eandem normam in omnibus Poloniæ urbibus servatur, ad reliquam hujus nobilissimæ satrapiæ descriptionem procedamus. Habet itaque illa præter Episcopum, Castellatum, & Palatinum, Crac. alios quatuor Senatores ad Consilium Reipubl. pertinentes, Castellatum nimirum Voinicensem, O-

D 4 fne-

Suecimensem , Sandecensem & Biecensem ; Præterque alios magistratus terrestris, & castrenses, (quos inter Generalis Præfectus Cracoviensis est primarius custos ac defensor, non tantum arcis regiæ , in qua corona affervatur , verum etiam pacis atque tranquillitatis publicæ. Unde jurisdictionem habet late patentem , non modo in agrestes & oppidanos , verum etiam in equestris ordinis homines) Magnum Procuratorem Cracoviensem numerat , qui sartorum tectorum arcis , & reddituum Principis curam habet. Arxque ipsa Crac. peculiariter decem custodes habet,

habet, qui Burgrabii sumpto a Germanis vocabulo appellantur: pacisque juxta ac belli tempore, nocturnas atque etiam diurnas, quando opus est, excubias per se, vel per administratos suos servant; debentque omnes nobiles esse. Nec est prætereundum, quod præ omnibus Regni Poloniæ satrapiis, una Sendomiriensi excepta, huic soli omnia metalla fossiliaque contigit possidere: plumbi & argenti, apud Ilcussiam, Slavcoviam Severiam & Novagoram: æris atque aurum, ad Novotargum & in montanis circa Sandeciam: salis metallici instar ingentium faxorum, apud Bochnam

D s &

& Veliscam : marmoris
omnis coloris apud Selec-
iam , Carmelitarum Discal-
ceatorum Eremitiorum : ni-
tri apud Visliciam ; vitioli
apud Beciam, cupri & carbo-
num ad ignem foyendum ,
apud Tencinum : chalibis
apud Podoleneciam : ferri
vero simplicis , & vasorum
vitreorum officinas , apud
Olsliniam, tum & alijs com-
pluribus in locis. Quæ uni-
versa quamvis , sed in sub-
montana regione potissi-
mum , hortis haud incultis ,
(ut hic de suburbanis Cra-
coviensibus taceam) & po-
mariis fructuosissimis refer-
ta sunt , in quibus castane-
as, mora , cotonca , ficus
amy-

amygdalas , pepones , melopepones , herbasque ac flores omnis generis , Italiæ delicias reperias . Et in primis C R E P I C I I S hortum ut vulgo dicunt Italicum cultissimum videbis : itemque palatium laquearibus deauratis , recentis architecturæ , tum quoque monasterium & templum Canonorum Regularium , sumptu & cura excellentissimi olim viri , & cuius nomen famaque nec yetustate obrui , nec oblivione deletri poterit , Nicolai Volscij Regni Poloniae Supremi Matschalcji , exstructum . Et in vicinia castelli , vivarium diuersorum animalium am-

amplissimum, in quo nostris temporibus, præter castores, capras, damas & danielos, mille sexcenti solummodo cervi ipsi numerabantur. Ejusdem illustrissimi viri studio & magnificentia CLOBUCII, templum & monasterium, similiter Canonicorum Regulatum, & palatium penes affabre factum, & hortus ut dicunt Italicus conspicitur. Sequitur Czenstochia; oppidum quidem, bona cerevisia, quæ non tantum per Polonię, sed etiam per vicinas Imperii Germanici, provincias distrahitur, per celebre. Monasterium vero extra oppidum

dum in Claro monte situm,
egregieque nunc restaura-
tum & munitum, B. Vir-
ginis miraculosa imagine, à
S. Luca Euangelista depicta,
fere toti Christianitati no-
tum. Solent enim eò, è
longissimis partibus Europæ,
devoti homines venire, aut
saltem donaria sua mittere,
difficultatibus aliquibus im-
pediti. Hinc thesauros ibi
ingentes in gemmis, auro,
argento, & vestibus sacris
videbis, Religiosorumque
inibi degentium, S. Pauli
primi Eremitæ, frequenti-
am non contemnendam. In
proximo templum S. Apol-
loniæ, & turris conspicitur:
atque inde FF. Dominicanos

rum

rum residentia Gidlensis , itidem B. Virginis imaguncula miraculosa per celebris ubi & Carthusia noviter exstructa est. Ad confluenta deinde Vartæ, oppidum Mstovia , Canonicorum Regularium , ditio amplissima, qui Præpositum insulatum loco Abbatis habent ; & ad manum dextram inter Sylvas , arx in scopulo eminentissimo Olstinia. Tum procedendo versus ortum æstivum , S. Annæ templum Priroviæ , sub cura FF. Minorum de Observantia , piorum hominum assiduis peregrinationibus famosissimum. Ad fluvium vero Pilciam , Novopolia , nidus Koniec-

polsciorum, cum arce elegan-
tissima, & castellum Pot-
tok, conspicuum, ejusdem
familiae amoenissima posses-
sio. Lelovia deinde sequi-
tur, territorii caput, &
muro vetusto permunita.
Hinc Pilcia, Zbaravii Ducis
ditio, templum Canonico-
rum in oppido habens, in
monte vero munitissimum
propugnaculum, ad præsen-
tem Geometriam dimen-
sum; intus palatum super-
bissimum, & hortus more
Italico exultus. Inde ver-
sus meridiem eundo, pri-
mum occurrit Ogrodenecia,
in scopulo arx DD. Firleo-
rum vetustissima; deinde
oppidis aliquot ignobiliori-
bus

bus interjectis, Severia caput amplissimi cognominis ducatus, arcem habet satis munitam in insula unius latissimi stagni, & aliam Lipovciæ in scopulo eminenti, famosam carceribus insolentioris Cleri Dioecesis Cracoviensis. Cum enim Episcopus Cracoviensis supremus Princeps sit Ducatus Severiensis, qui aliquot oppida continet, Lipovciam inter illa, tanquam vicinorem urbi Crac. ubi communissime iudicia peraguntur, incarcерандis licentiosis Clericis antiquitus deputavit. In eodem ducatu est Slaucovia fodinis argenteis per celebris, ac ob id multum

Epi-

Episcopis Cracoviensibus amata. Vicina illi Ilcussia urbs regia itidem plumbi atque argentifodinis dives, & famosa, cives habet, ut in luxu plus nimium superbos, sed ad devotionem & pietatem nihilominus pronos, & bene moribus politos, urbem ipsam mœnibus cinctam, & domus pulchre è laterculis factas: panis hic semper optimus & caro bubula, ut etiam Cracoviam ipsam superent, à qua vix quinque milliaribus distant. Quo spacio videbis tot castella, tot monasteria, totque palatia nobilium, sacerdotum, mercatorum, & in primis Tencinum, in monte eminentif-

tissimo situm , arcem pulcherrimam Comitum ab illa cognomen suum derivantium , originem vero à Lecho ipso , gentis Polonæ authore : deinde ad sinistram Piescovam scalam , inter sylvas arcem in rupe præruptam sitam. Itemque Ocieciūm , arcem simili situ gaudentem , & à tergo quasi Rabštiniam , Ilcussiæ imminentem. Versus autem Cracoviam procedendo , Moraviciam , Balicicos , Midlnicos , palatia pulcherrima . & ante ipsam jam urbem Voliam castellum elegantissimum , industria Italorum opificum exstrutum. Tum denique in suburbano , Lobzovia , palati-

um

um sumptuosissimum regium, & hortus undequaque cultissimus. Ad occidentem urbis, uno milliari conspicitur in monte eminentissimo Argentineo nuncupato, Patrum Camaldulensium Eremitorium, praedicti viri excellentissimi Nicolai Volscrii sumptibus magnificentissime exstructum, ubi est quod viator miretur, cum sint omnia ad amussim, juxta proportiones geometricas in fabricando observata. Medio quasi milliari inde Tinecum, Benedictinorum ad Vistulæ præterlabentis littus monasterium, Abbatem quinque civitatum, & centum villarum Dominum ha-

E 2 bens

bens, qui est perpetuus **Ca-**
nonicus Cracoviensis. Et
 pergendo ad confinia Silesiæ,
 palatum Spitcovicense ad
 ejusdem Vistulæ confluviū
 occurrit: deinde arx Bobr-
 censis, in ducatu Osueci-
 mensi. ut ipsam Osuecimi-
 am inter paludes sitam omit-
 tam) Inque ducatu Zatori-
 ensi, palatum Osiecense
 haud indecorè permunitum.
 Similiter in Comitatu Zive-
 censi, Monasterium Cano-
 nicorum Regularium, &
 palatum pulcherrimum in
 Sucha. Arx deinde Landis-
 coronensis in rupe excelsa,
 per tot millaria undique
 conspicitur; tum in ditione
 illius, Mons calvariæ, ab
 illu-

illustri olim viro Nicolao Zebridovio Palatino Cracoviensi appellatus, inque ejus hæreditatio fundo à viris religiosis, piorum devotioni locus delectus, observata omni similitudine situs, cum situ urbis Hierosolymitanæ, in qua Christus Dominus operatus est salutem nostram. Ergo collibus impositis suis cognominibus, oratoria sparsim per campos pulcherrima extruxit: in monte vero ipso Calvariæ, monasterium sumptuosissimum FF. de Observantia erexit: impetrata à Summo Pontifice gratia, quo à peregrinantibus ea loca licet visitari possint. Fitque eo

maximus hominum concursus , non e Polonia tantum, aut vicinioribus locis, sed ex **Ungaria** , **Transsylvania**, **Silesia** , **Moravia** : aliisque remotoribus populis. Ab alia parte urbis Cracoviensis, est **Abbatia dives** , monasteriumque **Cisterciensium** satis munitum & pulcherrimum **Claretumbæ** seu **Mogilense**. Et aliud ex opposito fere, **Vi-**
stula tantummodo superata , **Staniontecense** , **Monialium D. Claræ**. Tum in **Sylvis palatium regium Niepolomicense** , venationes diversarum ferarum & hortu excultum habens. Et sylvis superatis quarto ab urbe milliari , aut quinto , **Præmon-**
stra-

stratensium Abbatia Hebdo-
viensis. In Submontanam
vero regionem vergens, Ve-
lisca civitas salis metallici so-
dinis nota per Europam,
vel ex solius Rhetici Mathe-
matici celeberrimi descrip-
tione: itemque Bochnia,
æmula Veliscæ, iisdem
fossilibus abundans. A cu-
jus latere dextro versus Un-
gariam, primo conspicitur
Dobcicia, civitas cum arce:
deinde Sciricum intra mon-
tes, Cisterciensium Ab-
batia non contemnenda. Et
versus ortum in Visnica,
Comitis Lubomirscii, Cra-
couiensis Palatini, arx mu-
nitissima, & PP. Discalcea-
torum in uno monte vicino

Eremitorium : utraque modernæ architecturæ , excellētissimas picturas diversaq; marmora , & artificiosos in hortis aquæductus continens. Omitto oppida ignobilia , & veteris fabricæ arcēs , omitto villas & domus nobilium affabre factas , cum non in urbibus modo , sed etiam in villis , lautius nunc & quodammodo magnificētius habitare nostri homines studeant , præcipue autem in satrapia Cracoviensi , quæ & Germaniæ vicinior aliis est , & Italos mercatores atque opifices , quorum opera & industria in ædificando utitur , complures semper habet. San-
de-

decia itaque in submontana
hac regione , civitate
alias circumvicinas populati-
ones superat , quæ & Ab-
batem Præmonstratensium
monachorum , & Ecclesiam
Collegiatam habet : & ho-
mines Mercurio deditos , non
pigros aut agrestes uti com-
muniter fiunt montani o-
mnes , sed politos , indu-
strios , & negotiis suis in-
tentos . Urbs muro cincta
ad ripam Dunajecii in loco
amoenissimo , quasi uno
milliari in prospectu veterem
Sandeciam habet , ubi mo-
niales Præmonstratenses di-
tissimum tota Polonia mo-
nasterium incolunt . Quin-
que milliaribus inde Biecia
E s u r b s

urbs pulchra & loco munita
sita , sui territorii , prout
& Sandecia caput ; tandem
Tucholia , Zmigrodum ,
Dembovecia Ducla , & Tar-
novia , Ecclesia collegiata
marmoribus perpolitis con-
spicua , tum muris ædificiis-
que urbis , atque extra pau-
lo in monte eminenti arce
perinsignis , cui vivarium
amplissimum adiunctum
conspicitur . Est hic in sub-
urbano FF. Minorum de
Observantia & Monialium
D.Benedicti haud inelegans ,
& in templo Canonicorum ,
sepultura Tarnoviorum Co-
mitum & Ioannis ultimi Du-
cis Ostrogii variè marmori-
bus exornata & tota sane Phi-
dio

dio opere sculpta. Ad septentrionem itaque procedendo , inter nobiliora oppida huius Palatinatus censentur esse Opatovecia , Cosicia , Prosovia , Miechovia militum sepulchri Christi ditio , qui in ea monasterium multis possessionibus ditatum habent , Præposito insulato superiori utentes. Xiansia , monasterium Augustinianorum & palatum marmoreis pulcherrime variegatum extra septa oppidi habet. Andreovia Abbatia prædives , & oppidum non contemnendum. Scarbimiria frugum dives , & Collegio Canonicorum honorata ; Chroberscum arx pul-

pulchra Marchionis Misco-vii , atque ejusdem civitas Pinczovia palatum superbissimum continens , in quo maxime balneum à poetis celebratur. Terra abundat lapide vivo pro fabricis exstruendis apto , & agros per totum fertilissimos habet.

Sed jam transeamus in SENDOMIRIENSEM Palatinatum , qui in octo territoria dividitur , Sendomiriense videlicet , Radomense , Stenzicense , Corcinense , Visliciense , Chencinense , Opocinense & Pilsnense . Habetque Senatores ad Consilium Reipub. spectantes numero novem. Palatinum in primis , tandem Castellanos

nos sequentes, Sendomiriensem, Visliciensem, Radomiensem, Zavichostensem, Zarnoviensem, Malogostensem, Polanecensem & Cechoviensem. Abundat metallis, auri, argenti, ætris, & lazurii apud Kielcios; plumbi & argenti apud Chenciniam: ibidem marmoris nigerrimi & viridis atque rubei apud Cunoviam; ferri & chalybis, ad Vonchociam Bodzantinum, Sydloveciam, atque alibi passim. Sicut & pomaria fructuosa ubique reperias, sed maxime in suburbanis Sendomiriæ ipsius & Zavichosti, in quibus pirorum, malorum, pruorum, persi-

co-

corum, cerasorum, & nucum
bonitas atque varietas, cer-
tat cum Ungaricis & Italicis,
Sunt & vites, quarum vuæ
non insuaves sunt. præser-
tim si æstas & autumnus tem-
periem suam servent: sed vi-
num inde expressum acerbi-
us, ubi defecatum est. Urbs
in scopulo eminenti posita
ad Vistulam, prospectum a-
mœnissimum habet, satisque
cives politos sortitur, cum
magna ibi semper nobilium
sit frequentia, ob assiduam
jurisdictionem magistratu-
um provinciæ ibi residenti-
um. Est quoq; ibi & Collegi-
um Canonicorum locuple-
tissimum, & Collegium Cle-
ricorum Societatis JESU ju-
ven-

ventutem docentium , &
Collegia Religiosorum vi-
rorum , & arx Regia satis
pulchre fabricata , in qua re-
sidet Præfectus. Secundum
illam est OPATOVIA qua-
tuor inde milliariis distans ,
in loco fertili & amœno sita;
itidemque templo Canonici-
corum , viris religiosis & po-
puli frequentia urbs insignis
atque munitio Viazdensis
noviter erecta. Radomia ter-
ritori sui caput , muro cin-
eta , templum Minorita-
rum , inter alia , pulcher-
ximum habet. Oppidum
Jedlinskio dictum Gym-
nasium Academicum ce-
lebre & templum affabre
exstructum. Tarlovia quoque
tem-

templum inter novas fabri-
cas magnificentissimum. So-
lecia ad Vistulam sita , ar-
cem a Duce olim illustri ,
Christophoro Zbarauio re-
staurata , & recentiori
architectura exornatam, hor-
toque cultissimo auctam con-
tinet. Ilza , urbs domi-
bus latericiis elegans , Epis-
copi Cracoviensis est , olas
pulcherrimas toti Poloniæ
subministrat ; cui arx adjun-
cta veteris quidem fabricæ, in
loco editiori , sed pro com-
moditate Aulæ Episcopalis
satis augustè exstructa. Ad
eam pertinent Cunonia, mar-
moribus omnis generis & o-
mnis coloris percelebris. Illi
vicina **Vonchocia** , mona-
cho-

chorum Cisterciensium Abbatia pinguis, aquisque irriguis & hortorum amoënitate læta: Habet in fundo suo lapidem pro fabrica optimum, itemque cotes, acuendo ferro qui per totam Polonię distrahuntur. Ferri autem officinæ, passim ibi per sylvas & montes sparsæ reperiuntur, sed præcipuè in ditione Episcopi Cracoviensis, qui suam residentiam Bozentini communissimè habere solet: civitas est haud inelegans, muro & vallo septa, palatum pulchrum, & hortos Episcopi continens; estque quasi ad radices Calvi montis, quo in tota Polonia altior non invenitur.

In jugo ipso , Benedictino-
rum Abbatia est , celebris li-
gni S. Crucis veneratione :
populus enim ex tota Polo-
nia eo concurrere , & vota
sua exsolvere solet , miracu-
lorum quæ ibi patrantur fa-
ma assidua concitatus. Iti-
dem ad radices montis cele-
bre est monasterium S. Ca-
therinæ , FF. Sancti Fran-
cisci de Observantia , prout
& alia complura per circui-
tum sparsa. Et versus oc-
casum procedendo , Kielciis
(Ecclesia hic Collegiata pul-
chra & palatum Episcopale
marmoribus exornatum ad
Symmetriam Italicam) æ-
ris & cupri , lazuriique
fodinæ famosæ Episco-
pi

pi Cracoviensis sunt : prout Chenciniæ plumbi , argenti , atque marmoris diversi , tribus milliariis inde , Regis ipsius . Arx ibi in monte prærupto sita , jurisdictionem in totum illum districtum exercet . Sequitur Malogostia titulo Castellani nota , aliaque plurima ignobilia oppida : inter quæ Sulovia alicujus nominis est , quod Abbatem Cisterciensium Monachorum habeat , dominum aliquot circumvicinarum civitatum ; Drevicia castro antiquo notabilis , sicut & Involodia ad fluvium Pilcam sita : sed vriusque claritatem obscurat Sidlovecia , Ducum

F 2 Ra-

Radivillorum non contemnendus Comitatus, & bonas piscinas, & frequentes ferri fodinas & syluarum copiam, & pulchra urbis ædificia habens. Hæc in septentrionaliori parte hujus satrapiae, quæ quasi pro additamento Vistula superata districtum Stenzicensem habet, in transitu vero ipso Seciechoviensem Benedictinorum Abbatiam, ad ipsam fluvii ripam sitam, & paulo superius Janoveciam arcem in editiore ripa haud inelegantem habentem. In Stenziciensi vero tractu, arx Viliscensis, primum inter omnes nobilium villas, locum habet, quoad elegantiam fa-

fabricæ; reliqua omnia ve-
tusto more, in toto illo ter-
ritorio ædificata. Cum ita-
que per medium quasi, pala-
tinatum Sendomiriensem, a
meridie ad septentrionem
Vistula decurrat, & hanc
partem quæ versus occiden-
tem est, per medium etiam
mons Calvus, ab ortu in oc-
casum secet, enumeratis no-
tabilioribus locis quæ in
parte Boreali erant, nunc ea
quæ in Austrum vergunt,
breviter percurramus. Ac
primum ad montis ipsius ra-
dicem Slupeciam Abbatis S.
Crucis oppidum haud igno-
bile intueamur; deinde La-
goviam Episcopi Cujavien-
sis civitatem, olis conficiun-

dis quæ per Poloniām distrahuntur celebrem. Hinc sequitur Racovia , nidus Arianorum , olim populosā civitas satis , & synagoga impiorum , gymna-
sioque inficiendæ verius , quam erudiendæ juventutis , apud suos sectatores famosa , Sed nunc ex-
pulsis publico Comitiorum decreto blasphemiae magistris tota in Catholicæ Ecclesiæ gremium gratiâ &
assistentia divinâ revocata , & cura pietateque sanctæ memoriæ Antistitis Jacobi Zadzicij templo ma-
gnifico & circa eam Cle-
ro religioso , Conspi-
cua.

Vi-

Vicina illi Sydlovia ,
muro yetusto circundata ,
& insuper arce itidem mu-
nita, Catholica, & quæ par-
te quasi ab una , post
multa alia oppida ignobi-
liora & villas , Pocriu-
niciam Cistercensium di-
tissimam Abbatiam ha-
bet ; parte vero ab alia
arcem Rytujanensem Co-
mitum Tenciniorum , &
ab illis exstructum in
sylvis Eremitorium Pa-
trum Camaldulensium ,
Sancti Romualdi seftato-
rum.

Est ibidem monaste-
rium in vicinia F F.
Sancti Pauli Primi Ere-
mitæ , Biesoviæ , quod si-
F 4 mik-

militer prædictorum Camal-
dulensium fundator Illustris-
simus Comes Io. Tencinius
Palatinus Cracoviensis , va-
riis pro sua devotione dona-
riis exornavit. Sequuntur alia
celebriora oppida Osiecum ,
Stasovum , Polanecia , Pa-
czanovia, Stobnicia, Olefni-
cia , Ossolinum Palatum
elegans,& Monasterium Do-
minicanorum Climunto-
viæ , atque Ecclesiam colle-
giatam cum Præposito in-
fulato habens. Corczynum
territorii caput , arcem loco
munito inter aquas habens ,
& Vislicia demum , medijs
in paludibus sita , ubi tem-
plum Canonicorum ex lapi-
de quadrato , & Cleri habi-
tati-

tationes bene exstructas vidabis; tum infinitam multitudinem serpentum aliorumque insectilium passim, sed quæ à Pontifice Romano, ut scripturæ registratæ testantur, excommunicata, incolis minime nocent, transportata vero, statim emoriuntur. Sborovia, arx antiqui operis, est quasi media, inter Visliciam & Cortezynum, vivaria animalium amplissima, & piscinas optimas circumcirca habet. Sed ad trans Vistulanam partem hujus amplissimæ satrapiae transeamus, quæ inter oppida Pilsnam territorii caput numerat, templum pulchrum & organa celeberrima ha-

F s ben-

bentem. Deinde Sendisoviam , Zarnoveciam , Socoloviam , Præclaviam , Zacli-cynum foro pulcherrimo conspicuum , & Lezaiscum , tum templo Parochiali , militum sepulchri Domini , illustre , tum extra oppidum Monasterio F F. Minoritarum , ad quod populi undique devotionis ergo in Beatis. Virginem , cuius imago ibi miraculosa asservatur , concurrunt , per omnes circumvicinas provincias celebre. Sunt & arces nobilium in hoc districtu non contemnendæ plurimæ , sed hæ tres præcipuæ censentur , esse Rzemienium munitissimum , Vicyjorka amœnissima,

ma , & Baranovia elegan-
tissima. Sed quas nuper ab
Ostolinio Palatino Sendo-
miriensi Christophoria ele-
gantissime exstructa supe-
rat.

Tertia & ultima pars Mi-
noris Poloniæ LUBLI-
NENSIS satrapia , cui
adjuncta est Tetra Luco-
viensis , circiter duo millia
domus nobilium habens. Et
cum tota Minor Polo-
nia unum tantum Epis-
copum Cracoviensem ha-
beat , qui mille octode-
cim templo (inter quæ tre-
decim Ecclesiæ collegia-
tæ sunt) sua jurisdictio-
ne complectitur , idcirco
Lublinensis quoque Pa-
lati-

latinatus eidem Episcopo
subjectus existens , præter
complures civitatum præfe-
tos , & varios magistratus,
duos tantum in sua amplitu-
dine senatores habet , Palati-
num & Castellatum Lubli-
nensem . Porrò Lublinum
ipsum , long . 45 . fere gradu.
lat . amplius si quamvis non
ad eò spacio sum sit , ita bene
tamen exædificatum est , ut
uix ulli totius Sarmatiæ urbi
cesserit , vel amœnitate fi-
tus , vel cœli salubritate , vel
fœcunditate soli , vel alia-
rum quarumlibet rerum vi-
tae degendæ conducibilem ,
aut etiam ad splendorem &
luxum pertinentium uberta-
te . Habet templa & mona-
stic-

steria magnificè exstruēta :
habet Ecclesiam Collegia-
tam : habet Collegium Cle-
ricorum Societatis Iesu fre-
quentissimum : habet ter in
annum nundinas celebri-
mas , ad quas concurrunt
**Angli , Scotti , Itali , Ger-
mani , Moscovitæ , Persæ ,
Armeni :** habet Parlamen-
tum seu judicia Tribunalicia
totius Poloniæ , atque ex
eo maximam frequentiam
nobilitatis. Secundum post
eam locum tenet Cazimiria,
ad Vistulæ ripam civitas
pulcherrimè exædificata , &
satis mercatoribus abundans.
Reliquæ sunt Opolia , Cu-
rovia , Crasnicia , Levar-
tovia , Urzendovia . Lenczna,
sed

inter quæ Czemiernicos primo loco adscribemus , ob pulchritudinem palatii , ab egregio olim & excellentis prudentiæ viro D. Henrico Firleio , Archiepiscopo Gnesnensi , magnificenter & exstructi: tum ob amœnitatem hortorum . Quamvis & Dombrovicia , eorundem DD. Firlejorum , arx non inelegans habeatur.

L I T V A-

LITUANIA.

SYlvestris sanè fuit superioribus temporibus pleraque omnis Lituania, sed à Sigismundi Senioris temporibus, ad hodiernam usque diem, optimorum Regum studio, diuturnam pacem naæta, nunc ubique diligenter excolitur, frugum leguminumque ferax, & pratis, hortis, pomariis, abundans: villis, pagis, oppidis, castellis, recentioriisque fabricæ ædificiis, non modo in urbibus, sed etiam in prædiis refertissima. Fluvios complures, & lacus ingentes, sed pis-

piscosos passim habes exten-
diturque à confiniq satrapiae
Lublinensis, usque ad ter-
minos Livoniæ in longum
per nonaginta millaria Ger-
manica , in latum per qua-
draginta & amplius , à fini-
bus Prussiæ ab occasu , ad
Albæ Russiæ , (quæ ad Ma-
gnum Ducatum Lituaniæ
spectat) conterminia versus
ortum. Et dividitur com-
munissime in hos tres Pala-
tinatus , Vilnensem , Tro-
censem , & Brescianensem.
VILNENSIS satrapia seu
Palatinatus primum in Ma-
gno Ducatu Lituaniæ locum
tenet. Habetque Episco-
pum , (qui se Ducem Iua-
num scribit) ita latè suam
iuris-

jurisdictionem extenden-
tem , ut in tota Lituania at-
que Alba Russia , quæ tct
satrapiis constat , usque ad
confinia Moscoviae , non-
nisi illius Vicarii seu Officia-
les , sacris Christianis præ-
sint & invigilent : nullius
alterius Diœcesis inter-
venit. Habet & Palati-
num , atque Castellatum ,
qui ad Senatum Regni ,
spectant , sed Palatinus
ipse quoque & urbis Vil-
næ Praefectus est , exer-
cetque jurisdictionem su-
am in omnes , exceptis ma-
gistratibus aliis , qui ibi suam
residentiam habent. Nam
& Parliamentum seu Tribu-
nal totius Lituaniæ , prout

G cum

cum adjacentibus sibi provinciis extenditur, ibidem celebra*i* mos est. Urbs magnitudine non superat Cracoviam, sed quia forum strictius habet, videtur plateas ex eo longiores ducere, a porta nimirum Rudnicensi usque ad arcem inferiorem, ubi templum Cathedrale est, & in eo corpus integrum S. Cazimiri Principis Poloniæ, fratris Germani Sigismundi Senioris, Regis olim Poloniæ sapientissimi, qui eum à Leone X. Sanctorum Catalogo inscribi curavit. Huic tanquam avo suo Serenissimus Rex Sigismundus III. tumbam argenteam nuper tria millia librarum ponderis ha-

habentem , fieri curavit,
itemque altare argenteum,
capellam marmoris exquisi-
tissimi , campanam ingen-
tem (similem Cracoviensi
illi quæ à Sigismundo I. fa-
cta, nomen illius retinet) vo-
tum expugnati Smolensci,
ad quam pulsandam viginti
quatuor robusti homines re-
quiruntur : & demum sub
titulo & patrocinio illius, ba-
silicam Italicæ architecturæ,
Societatis J E s u Clericis,
in medio urbis foro , ma-
gnificentissimè erexit. Quæ
prædicta Societas , Collegi-
um studiosorum à Rege Ste-
phano fundatam in platea
Castrensi superbe ædifica-
tum ad D. Joannis templum

Parochiale possidet, novitiatum vero in alio loco habet. Collegium istud sub titulo Universitatis erectum est à Gregorio XIII Anno 1579, urgente in primis fundatore Valeriano Episcopo Vilnensi, & Stephano Rege, aliisque viris piis, de quo vide Albertum Koialovicum Societ. Jesu Theologus ejusdem universitatis Procancelarium, in Miscellaneis rerum ad Statum Ecclesiasticum in Mag. Duc. Lit. pertinentium. Theologiam hic profitentur sex Professores, septimus linguam sacram; Philosophiam quinque; Jus utrumque quatuor. Humaniores litteras septem.

A-

Arces in hac urbe Regia duæ sunt, superior vetusti operis & plane jam desolata: inferior autem proportionatæ geometriæ, & satis pro regio comitatu augusta. Reliquorum nobilium palatia minora, sed pulchre fabricata, sicut & civium privatorum domus, qui post illud incendium grande, quo urbs tota perierat, Anno 1610, cum bellum cum Moschis haberemus, elegantius lapidibus & laterculis ædificare cœperunt. Sunt hic monasteria complura, tam Græcorum, quam Latino-rum; erat & synagoga Calvinistarum, qui itidem suni Gymnasium habebant,

petitis ex Germania suæ impietatis magistris, namque urbs ista plurimos, & opifices & mercatores, Germanos, Scotos, & Anglos habet. Sed itidem decreto Comitiorum regni prout & Racoviensium Arrianorum funditus extirpata est. Bombardæ bellicæ æneæ, & sclopeta minora, hic præstantissima conficiuntur, tum alia quoque militum utensilia & arma. Quatuor ab urbe milliariis est, in sylvis Rudnikum, aula regia ornataissima, & hortus amœnus, & venationes ferarum, & vivaria illarum amplissima habens. Inter oppida autem, Lida atque Osmiana,

quæ sunt territoriorum capi-
ta, & Ducis Radivilli, Bierze,
cum arce munitissima præ-
cipua censentur esse ; reliqua
ferè omnia lignea sunt , &
parvi momenti.

T R O C E N S I S satra-
pia Palatinum tantum & Ca-
stellanum habet , quamvis
illi subsit Terra Grodnensis ,
quæ etiam sibi territorium
Volcoviscense adscriptum
jaëtet , & utraque illarum
Magistratus proprios habeat ,
superetque magnitudine i-
psum districtum Trocensem .
Quia tamen in Lituania non
est mos minores Castellanos
creare , prout in Polonia ,
ideo quælibet satrapia duos
tantum Senatores habet , Ca-

stellatum & Palatinum. Ci-
vitas itaque Trocensis qua-
tuor à Vilna milliariis distat,
estque posita inter paludes
inaccessibiles, quæ etiam in-
tensissimo frigore non plane
congelantur; & arcem quam-
vis vetustam bene ramen mu-
nitam habet ; tum monaste-
rium Benedictinorum, satis
firmum. Hic in templo Pa-
rochiali Imago B. Virginis
miraculis clara habetur , quo
de longinquo fideles concur-
rere devotionis causa solent,
diversaque beneficia & extra-
ordinarias gratias , oranti-
bus in prædicto loco, aut vo-
tum coram illa imagine con-
cipientibus , Deus omniipo-
tens largiri solet. Grodna au-
tem

tem ad fluvium Crononemi seu Memenum sita , arcem haud inelegantem in loco editiori habet , extructam à Rege Stephano , qui ob venerationes ferarum majorum , puta alcum , vrorum , atque ursorum , libentius hic immorabatur . Serenissimus autem Rex Sigismundus III. pontem Memeno imposuit , ligneum quamvis , sed ita affabre factum ut similem Polonia non habeat . Complura hic monasteria sunt & templum Parochiale pulchrum . Ignatiani quoque Collegium non ita pridem , pro studiosa juventute hic erexerunt .

B R E S C I A N E N S I S
G s quo-

quoque Palatinatus, Lublinensi satrapiæ vicinus, easdem ferè qualitates, quas & reliqui districtus Poloniæ, possidet: oppida lignea & villas habet pecoribus & frugibus abundantes, præcipue Cameneciam, Cobriniam, Ianoviam, quibus arces impositæ sunt, Voiniam, Rossiam, Vlodavam, Bialam, ubi palatum Ducum Radi-villorum pulcherrimum est, & nunc gymnasium publicum erectum, vocatis, ex Academia Cracoviensi Magistris & Professoriibus in omnibus disciplinis peritis. Reliqua omnia ignobiliora sunt, præter Brescie ipsum, quod arcem in scopulo, inter

Bu-

Bugum & Muchavecum
fluvios, sitam habet: itemque
palatum regium novæ ar-
chitecturæ extra civitatem,
cum hortis delicatis. Sunt &
hic scholæ Ignatianorum,
monasteriaque religiosorum
virorum non contemnenda.
Sed & Judæi hic scholam su-
am in tota Europa celebrem
habent; solentque conveni-
re eò ex Italia, Germania,
Moravia, Silesia, non mo-
do studiorum, sed & pio-
motionum causa, ut Rabi-
ni postmodum siant, & do-
mum revesi, suas synago-
gas dirigant. Berezæ Ere-
mitorium Carthusianorum
fundavit Leo Sapieha Pro-
cancellarius M.D.Lituaniæ,
sunt

suntq; vicinæ aliquot Abbatiae Ord. S. Basilii unitorum. Pinsensis amplissimus districtus, proprios tam terrestres, quam castrenses magistratus habens, huic satrapiae adjunctus est, sed sylvis nimium inumbratus, & paludibus immersus; piscium, mellis, & ferarum copia per celebris, tametsi & fruges non maligne proferat, & ceram, sebum, lupulum, in Silesiam, atque in Prussiam Dantiscum mittat. Habet n. Pinscum oppidum homines industrios, & mercatores adeo deditos ut & in Moscoviam, & in Germaniam saepissime cum suis mercibus excurrant. Sed ut plu-

plurimum religionis sunt
Græcanicæ , Episcopum-
que proprium habent. Ubi
& Ignatianis collegium Dux
Stanislaus Radivillus Can-
cellarius Lituaniæ erexit.

R U S S I A.

DRout Regi Poloniæ am-
plissima Russiæ regio
subjicitur, extenditur in lon-
gum, ab ora Pocucensi , ad
confinia Livoniæ , per du-
centa plus minus millaria; in
latum vero à Polonia mino-
ri aut Lituania , versus or-
tum usque ad vastos Tarta-
rorum campos , aut Mosco-
viani , per centum viginti.

Divi-

Dividiturque in Russiam albam, quæ ad Magnum Ducatum Lituaniæ spectat, & in Russiam rubram, quæ propriè dicitur Roxolania, & ad Polonię pertinet. Nam tercia pars, ultra Tanaim & fontes Borysthenis posita, dicitur Russia nigra ab antiquis, à recentioribus autem vulgo obtinuit Moscoviam appellari, quod totum illud imperium, quaqua latum est, ab urbe &c fluvio Moscua, dicatur communiter Moscovia: quæ olim Sarmatia Asiatica vocabatur. Nostra autem cis-Borysthenica Russia, Sarmatia Europea; & Polonia ipsa, proprie Vandalia. Tota hæc

in

in universum regio, frugum,
ferarum, pecoris, piscium, &
mellis copiam infinitam ha-
bet, præsertim in Podolia,
ubi ex dictamno & aliis bene
olentibus herbis ac floribus,
ab apibus colligitur. Nobiles
audaces sunt & strenui om-
nes, quin & agrestes ad bel-
lum prompti, loricis, sclope-
tis, hastis, aliisque plurimis
armis, præcipue autem cuspi-
de venatorum & pharetra
utuntur.

RVS-

*R U S S I A R U-
B R A.*

NObilissima hæc provin-
cia, laete & melle abun-
dans, ab Austro Ungariam,
Moldaviam & Bessarabiam
habet, ab Euro Scythiae deser-
ta, & potentissimum Mosco-
viae Principem, à septentrio-
ne Albam Russiam, Stiro &
Pripecio fluminibus disiun-
ctam: ab occasu vero Mi-
norem Polonię, Visloca
& Vepro fluviis, quasi no-
tioribus terminis divisa.
Complectiturque in se sep-
tem amplissimas satrapias,
Russiae Palatinatum impri-
mis,

mis, deinde Podoliæ, Volhyniæ, Belzæ, Braslaviciæ, Kioviæ, & Terram Chelmensem Haliciensemque.

R U S S I A E satrapia habet Senatores, Archiepiscopum Leopoliensem, Episcopum Præmissiensem & Kiovensem Palatinum Russiæ, & Castellanos quatuor, Leopoliensem, Præmissiensem, Haliciensem, & Sanocensem, quia in totidem etiam districtus seu territoria dividitur. Et primi quide districtus, primaria urbs Leopolis est, sita longitudinis gradu 46. l. 49. Habet propugnacula satis firma, & arces duas; habet uti diximus sedem Archiep Catholici, & duorum Episcoporum.

H nem-

nempe Armenici, atque Russici. Hæreticos autem nusquam admittit, nec admisit, ob quod maxime a Sixto V. laudata fuit & insignibus illius donata. Viros litteratos permultos habet, libenterque promovet, & amat eo concurrentes, atque ex eo emporio, civiumque elegantia & humanitate maxime floret. Ignatiani hic Collegium studiosorum habent; sed & Dominicani, Franciscani, Carmelitæ, Bernardini, aliquæ studia Theologica atque Philosophica diligentissime tractant. Humaniorum vero artium gymnasium urbis, optimos præceptores ex Academia Crac. sumit. Nundi-

næ

næ hic brumales , pro festo
S. Agnetis celebres fiunt: so-
lentque eò ex Ungaria, Mol-
davia, Turcia, atque aliis
orbis partibus ditissimi mer-
catores venire. Cum autem
præter fluvios infinitos , ha-
beat Roxolania piscinas in-
gentes & stagna arte manu-
que facta ferè innumerabilia,
quæ pisces omnis generis
pinguissimos proferunt , id-
circo illi hyberno tempore
sale conditi (cum omnes re-
centes comedи & servari ob
multitudinem non possint)
yasis ingentibus , cum ad ali-
as civitates , tum maxime
nundinarum tempore Leo-
polim convehuntur , atque
demum inde per totam Po-

Ioniam distrahuntur. Tempa in hac urbe pulchra sunt, & vestibus sacris atque vasis argenteis aureisque satis bene ditata. Societas Clerici, inter reliqua clenodia, casulam gemmis totam atque lapidibus pretiosis variegatam habent, æstimatam aliquot myriades florenorum. Similiter tempa alia, multos calices aureos, multaque vestimenta sacerdotalia margaritis distincta habent; sed præcipue templum Cathedrale mitram Episcopalem ingentis precii gemmis exornatam. FF. vero Minores de Observantia, qui extra urbis muros sunt, templumque magnificentissimum si-

bi

bi non ita pridem exstruxerunt, inter alias sanctorum reliquias, habent quoque sui instituti Fratrem unum, ad altare majus sepultum, Beatum Ioannem Duclensem, miraculis clarum. Qui dum viveret, in divini verbi predicatione inexhausti plane laboris erat. Eaque fuit in homine jam inde à primis annis pietas & innocentissima sanctitas motum, ut pris- corum Anachoretarum eximium in eo specimen eluce ret. Oppida præcipua hujus districtus sunt, Gliniani, Zloczovia, Zborovia, Grodecia, Komarna, Zolkvia arcem pulcherrimam atque hortos a-

mœnos templumque vario marmore exornatum habens; quamvis & aliæ civitates cum adjunctis sibi castellis non sint plane ignobiles, inter quas Javorovia, celebris tepidarum aquarum scaturigine in pago Sclovia dicto, ebullienti, utili valdè ad curandos varios hominum morbos, ut libro suo testatur, magnæ experientiæ Medicus, Sixtus Leopoliensis.

Secundus satrapiæ hujus districtus est Præmisliensis; urbsque ipsa Præmislia arce in scopulo sita, & duobus Episcopis, Latino sive Catholico, & Russico ritus Græcanici cohonestata est. Adsunt

&

& Ordinis Religiosorum diversi, præter Venerabile Canonorum Capitulum. Est & Collegium pro studiosa juventute Societatis Iesu Clericorum: sunt & magistratus diversi, tam castrenses quam terrestres: suntque demum cives mercaturæ dediti plurimi: nundinasque celebres quolibet anno habent, Castella hic passim nobilium munitiora videbis, ob frequentes Tartarorum incursiones muris, & propugnaculis firmata, Bialoboki, Sosnicia, Dombrova, Uherce, Prochnicum, Laski, sed quæ inter excellit Crasicinum, recentioris fabricæ ad Sanum fluyum, palatum, u-

no aut altero milliari à Præmislia. Oppida vero celebria sunt Samboria , pulcherrimum Minoritarum monasterium habens , Fulstinia , Dobromilia , Visnia, Zidaczovia, Mosciska, Dubiecia , Canczuga, Prævoricia, Iaroslavia, nundinas protesto Assumptionis B. Mariæ Virg. in toto Regno Poloniæ celebriores habens , ubi præter alias merces , e Perlide Constantinopoli, Venetiis, Moscovia , & Amsteliodamo apportatas , solent amplius quadraginta millia bouum venalium fieri , & medium tantum equorum. Ignatiani hic Collegium studentium habent do-

mumque residentiae extra urbem & virgines Vestales monasterium regia plane munificentia exstructum: neque arcis fabrica & munitio contemnenda est, quam Sanus alluit ab ortu, urbs autem posita ab occasu. Sequitur Lancutum templis ab egie-
gio viro Stanislao Lubomirscio Palatino Craco-
viensi magnifice exstructis,
tum Palatio magnifico
munitioneque foruissima
& hortis amoenis exorna-
tum.

Resovia arce eleganti &
monasteriis, nundinis iti-
dem vernalibus profecto
Sanct. Alberti clara; lactiti-
niorum hic & linteaminum

H s ma-

magna fieri solet copia, quod in toto tractu isto Germanæ gentis homines pagos inhabitent, capti in bello quodam à Cazimiro magno Rege Poloniæ, deductique è Saxonie cum liberis & uxori-bus, ut eam oram incole-rent, ut domicilium propri-um. Hi itaque pecorum & li-ni curam magnam habent, & nundinarum tempore, cum ad alia circumvicina oppida venum comportant, tum maxime Resoviam & Jaroslaviam.

Tertius, Palatinatus Rus-siæ, districtus est Sanocensis montibus Ungariæ vicinus, atque ipsi Transylvaniæ: ac ob id totus per colles dispo-

situs , excepto qua Crofnam
protenditur: quæ urbs in hoc
tractu ferè principalior , em-
porium Ungatorum habet.
Quamvis enim illi passim
metces suas & vina, in oppi-
dis submontanæ tegionis de-
ponant , huc tamen yeteti
consuetudine ut plurimum
advehunt. Quare & cives hic
paulo ditiores aliis , & nun-
dinæ apud illos reliquis vi-
ciniæ populationibus longè
celebriores. Habet hic quo-
que Sodalitas J E S U , Col-
legium artium humaniorum,
Sanocum vetò ipsum, quam-
vis térritorii caput , multo
jam inferius est quo ad civi-
litudinem & frequentiam habi-
tatorum , arcem tamen in
faxo ,

saxo, supra Sanum fluvium sitam non contemnendam habet : sicut & aliæ civitates ejus tractus , Brozovia . Rimanovia , Dinovia , Lesko , quæ indies ob metum Tar- tarorum munitiones suas fir- miores faciunt.

Quartus Russicæ satrapiæ districtus est Haliciensis , montibus Transylvaniæ ab occasu hyberno , à meridie autem Moldaviæ faginis sylvis cinctus , Tyra nivio rapidiſſimo e montibus Carpa- tiis orto , versusque Euxum in mare Euxinum decurren- ti, quasi per medium sectus : cuius pars Australior quæ trans Tyrum est posita , vul- go Pocucia appellatur. Op- pi-

pida præcipua habet Haliciam à qua denominatur , olim regni Russici caput , Rexque proprie Haliciensis , non Russiæ (quia hæc tota in plurimas tetrarchias scissa , proprios duces habebat , sed quos inter primatum , & quasi monarchiam Duces Riovienses tenebant) nunc cupabatur , ut latius hac de re Historiæ nostræ Sed nunc ne vestigia quidem priscæ illius magnitudinis apparet. Arx est ad Tyram sita alicujus notæ , sed oppidum cives habet subrusticos agriculturæ , non Mercurio deditos. Similiter Sniatinum , ad Prutum fluvium situm , quod pro-

propriè est Pocuciæ caput, soletque nundinas semel in annum non incelebres habere, quod Valachi emporium ibi suum, tanquam in vicinia faciant. Unde boum, ceræ, mellis, & equorum generosissimorum copia ingens eo adduci solet. Colomia non infrequens civitas ob salis cocti copiam, quod inde per totam Russiam & Lituaniam distrahitur, quarum omnes fere satrapiæ sale carrent, nisi hic & in Piæmisiensi districtu conficitur. Sunt itaque pagi nonnulli apud Haliciam, in quibus ex aqua e profundis puteis hausta sal decoquitur, & partim in modum farinæ, vel ni-

vis

vis minutum relinquitur, partim in frustula conformatur, & sic dividitur. Conficiturque pluribus in locis Russicæ hujus satrapiæ, nempe apud Riboticos in tractu Præmissiensi, apud Dobromiliam, Samboriam, & Solum, quod etiam a sale nomen habet. In desertis quoque campis Ukrainæ, seu ulterioris Podoliæ, prope Boristhenem, est lacus quidam, cuius aqua sereno & ardente sole, in solidum salem concrevit, quo circumiacentes accolæ utuntur. Sed ad rem nostram. In Pocucia nobiliora loca sunt Martinovia, Dolina, Strium, arcem in paludibus sitam habens. **Cis Nestrum autem**

aut

aut Tyram, Potocum, arce
munita, & templo sodalium
Dominicanorum, à Stephano
Potucio, Palatino, Brasla-
viensi, qui ibidem fato fun-
ctus quiescit, egregie exor-
natum. Ejusque successorum
oppidum & arx Monaster-
zisca, Uscie, Dobrovoda,
aliaque complura castella, in-
ter quæ Buczavia, arce firma
conspicua, itemque Podha-
jecia muro cincta & propu-
gnaculis, atque in vicinia arx
Zavalovia non inelegans :
tum Brezanum civitas popu-
losa & templum pulchrum &
palacium splendidum atque
benè firmum habens.

Sequitur deinde PODO-
LIA continuis barbarorum
in-

incursionibus & præliis famosa , quæ , si optata pace posset ita frui , ut occidentaliores Europæ populi , certe nec Italæ , aut Ungariæ , soli ubertatem & divitias invideret . Habet & marmora diversa atque alabastrum in diversis locis . Dividiturque in tria quodammodo territoria , Camenecense , Trembouliense & Laticzoviense , Camenecia est urbs cum arce , natura loci manuque permunita , triginta milliariis bene longis distans à Leopoli versus ortum hybernum , longitudinis gradu 49 la. 48 Habetque & ipsa duos Episcopos Catholicum unum , & Armenium alterum ; gens

I enim

enim hæc lucri causa libenter
tissime in Regno Poloniæ
immoratur, & merces nobis
varias, partim e Perside, par-
tim e regnis Turcæ, præci-
pue autem equos generosos
adducit. Habentque hic, pro-
ut & in aliis urbibus Russiæ
majoribus, suum magistra-
tum seu seniores nationis,
qui fidem Regi & Urbico ma-
gistratui pro reliquis spon-
dent, & in vitia gentis suæ
ipsi animadvertisunt. Societas
quoque J E s u collegium
hic suum habet, & instruit
artibus juventutem. Secun-
do ab urbe lapide, est arx
Potociorum, Paniouce dicta,
à Joanne Potocio, insigni
nostra ætate bellatore, Pala-
tino

tino Braslaviensi , recenti architectura exstructa, celebris oppugnatione Turcica , cum anno 1621, bellum cum illis gravissimū ad Chotimiam in Valachia haberemus. Tremboula vero Laticzovia , Husiatinum , Barum a Regina Bona olim fundatum, ubi etiam Jesuitæ pro juventute informanda collegium habent, Czartcovia , Janovia , Zin covia, Miedzibozia , Iesupolis Grodecia , Jaslovecia, Satanovia , Zvanecia , Tarnopolia , Kitaigrodum , Dunaigrodum , & alia complura, hujus Dynastiæ oppida , singula fere ob Scythiae infestationem , & quasi assidua bella , non male permunita

I 2 sunt

sunt, habentque arces sibi adjunctas firmissimas , & incolas bello natos , Martique deditos. Senatores hujus satrapiae sunt tres , qui ad Reipub. Consilium pertinent, Episcopus Camenecensis, Palatinus Podoliæ , & Castellanus Camenecensis.

BRASLAVIENSIS Palatinatus ultra Podoliam in confinio Tartarorum positus , egregias populationes plurimas , atque arces permunitas habet , quas inter eminent, Morachua, Jarosvia, Zitomiria, Sarogiodum, Felstinum , Chmielnicum. Braslavia ipsa , ad Bogum fluvium sita, atque Vinnicza, conventuum nobilitatis at-

que

que judiciorum deputatus
locus; ubi Societatis quoque
Clerici, erudiendæ juven-
tutis collegium egregium ha-
bent. Senatores hic duo, Pa-
latinus & Castellanus. Di-
strictusque satrapiæ duo,
Vinnicensis, & Zitomi-
riensis.

Similiter Tartaris vicinus
est Palatinatus KIOVIEN-
SIS, sed qui parte ab altera
Moschum quoque habet, &
quasi per medium maximo
fluviorum Borysthene seca-
tur. Urbs Kiovia ampla &
populosa satis, olim sedes
Ducum suorum, qui toti
Russiæ seu Sarmatiæ, tam
in Asia quam in Europa, im-
perabant, Romanisque ipsis,

ac postea Græcanicis Imperatoribus graves ; cæterum nunc vix ruinæ veteris illius magnitudinis apparent , eæque paucæ , omnia tempus rerum edax absumpsit . Est hic Archiepiscopus Russorum , omnium quotquot in Regno Poloniæ Græcanici ritus Episcopi sunt , primas seu Metropolita , qui Romano Pontifici obedientiam nunc præstat . Est & Episcopus Catholici ritus , qui cum Palatino , & Castellano urbis , ad Senatum Regni pertinet . Tempa hic tam Rusorum quam Latinorum compluria , sed quorum unum , Archimandrita cum monachis suis Schismaticis , & re-

bellibus Sedi Apostolicæ ,
occupat , habetque centum
pagos maximos adscriptios .
Sunt hic speluncæ naturali-
ter factæ in quibus corpora
olim Ducum Kioviensium
reponebantur , hodieque vi-
suntur nonnulla integra , quæ
illi pro sanctis venerantur .
Extendunturque illæ criptæ ,
seu subterraneæ speluncæ
uti ferunt , usque in Moscho-
viam per aliquot decumas
milliarium . Monachi illorum
(S. Basilii instituti) qui du-
rissimam vitam agunt , intrant
eas tempore Quadragesimali
ibi solitarii pœnitentiam per-
agunt . Alii vadunt in de-
serta , cilicio & catenis fer-
reis induiti , interdum usque

in Scythiam remotiorem , ut
ibi Euangelium prædicent ,
& martyrio coronentur. I-
gnatianorum opera , qui
Kioviae suum collegium
habent ad Ecclesie Unitatem
reducti. Habentque plurima
monasteria in Ruslia , sed
quorum alia jam sunt in uni-
one cum Ecclesia Romana.
Satrapia hæc late extendi-
tur , tam versus Euxi-
num mare , in meridiem ,
quam versus occidentem
& septentrionem ad Litua-
niæ & Albæ Russiæ con-
finia : habetque & populata ,
& arcibus adjunctis permu-
nita oppida plurima , præ-
cipua vero Canioviam ,
Circassiam , Bohuslaviam ,

Pereslaviam, Bialocerquam,
Stepanoviam, ex arte vallo
& fossis munitam, Fasto-
viamque Episcopi Kiovien-
sis residentiam, unde Je-
suitæ suum collegium Kio-
viam transtulerunt. In hac
satrapia & in supradicta
Braflaviensi, plebs assiduis
bellis exercitata, militares
animos gerit, & tam ex
oppidis, quam e pagis, in
insulas Borysthenis congre-
gatur, dantque nomina mi-
litiae gratis, & se Cosachos
vocant, servataque discipli-
na veteri partim in Scythiam
pedes excurrunt & prædas
inde abagunt, partim in Tur-
ciam per mare; aut si quo
jussi à Rege fuerint. Fit autem

eorum numerus ad quadraginta millia , qui omnes ferre in hyberna domos suas abeunt , paucis relictis in custodiam insularum , ne à barbaris occupentur : militantque Reipub. absque ullis stipendiis sola præda contenti . Quo tamen alacriores ad servitia fierent , solet illis Rex semper bello peracto , certam aliquam pecuniæ summam , ad reficienda arma donare , quo majorem numerum exercitus scribant .

Sed revertendo quasi dominum , occidua Kioviæ est VOLINIÆ satrapia , quæ in duos maximos districtus dividitur , Cremenecensem , & Luceoriensem . Habetque

Se-

Senatores tres , Palatinum & Castellatum Volhyniae , & Episcopum Luceoriensem , qui Cathedram suam , cum Capitulo in arce urbis habet ; ibidemque Societatis I E s u Clericorum Collegium pro studiosis . In urbe autem ipsa Episcopus Russorum . Nec multum inde procul est civitas Volodimiria , in qua itidem Russorum Episcopus sedem suam habet , & jurisdictionem late exercet . Reliquæ civitates sunt Rubesovia , Socalia veneratione miraculosæ imaginis B. V. M. nobilis , solet enim eo magnus hominum concursus semper fieri , votorum exol vendorum causa , procu-

rantibus sacra religiosis vi-
ris S. Francisci de obser-
vantia , quos vulgo Ber-
nardinos dicimus. Hi igi-
tur in insula fluvii Bug ,
magnificentissimum tem-
plum piorum eleemosy-
nis , & monasterium pro-
pugnaculis firmum , ob-
metum hostium, paucis ab ,
hinc annis erexerunt , tem-
plumque illud totum pul-
cherrimis picturis , vasis
argenteis atque aureis , ve-
stibusque sacris gemmatis
ad stuporem brevi tempo-
re exornarunt. Sequitur
Czartoriscum , **Olescum** ,
Crilovia , civitates egregiae
& arcibus munitissimis con-
spicuae. Brodi oppidum ,

à Sta-

à Stanislao Koniecpolscio
Castellano Cracoviensi &
Exercituum Duce Supre-
mo insigni fortalitio , Ec-
clesia Collegiata & Gym-
nasio publico condecora-
tum. Unde non procul
Podhorcense palatium cum
hortis & aqueductibus e-
gregiis conspicitur Dux
quoque Stanislaus Rad-
villus Cancellarius Litua-
niæ Supremus, in eadem
Satrapia civitatem suam O-
likam arce munitissima
atque elegantissima Ec-
clesia Collegiata suppelle-
tili aurea celeberrima & A-
cademia bonarum Artium
illustrem nostra ætate ad-
modum reddidit. Erecto ibi-
dem

dem Præposito Infulato & Monte pietatis. Sequitur Cremenencia territorii sui caput arcem in Saxo eminentissimo ostentans; deinde Visniovecia , Zaslavia , Constantinovia, Basilea,Dubna , Ostrogium, Zbaravia, quælibet arcem munitissimam & ornatissimam habens , utpote singulæ vetustissimorum Ducum Russorum sedes primariæ, & lares. Et Ostrog'um sanc parte ab una (quamvis remotius paulo) Dermanum , monasterium Russicum pulcherimum habet , in quo instituti S. Basili monachi, sub proprio Hegumeno , in Schismate , ab Ecclesia Romana

vi-

vivunt, habentque possessio-
nes amplas: parte ab alia
Miedireczum oppidum mu-
nitissimum, in quo Fran-
ciscanis Conventualibus, ul-
timus de familia Ioannes
Dux Ostrogius, Castellanus
Cracoviensis, sumptu(ut ita
dicam)regio, templum &
monasterium exstruxit. In
urbe autem ipsa, neptis illi-
us nuper Ignatianæ Societa-
tis Clericis, Collegium pro
erudienda juventute, & tem-
plum magnificentissimum e-
rexit, in quo mariti sui ossa
Caroli Chodkiewicci, viri
bellica virtute incompara-
bilis, cum lachrymis repo-
suit.

Iam vero BELZENSIS
fa-

satrapia, Leopoliensi distri-
 etui, & terræ Chelmensi vi-
 cina, in meditullio quasi Ru-
 bræ Russiæ posita, utbem
 ipsam inter paludes sitam (u-
 bi sodales Dominicani tem-
 plum antiquissimum possi-
 dent) & ab ea cognominatos
 duos Senatores habet. Pala-
 tinum & Castellatum Bel-
 zensem, dividiturque facile
 in quatuor territoria, Belsen-
 se, Buscense, Grodlense &
 Grabovecense, in quibus
 tot oppida & pagi, sed hæc
 prædicta quatuor, ut suo-
 rum territoriorum capita
 sunt, ita & præcipua aliis
 censentur esse, arcetque si-
 bi munitas adjunctas ha-
 tent.

Ul-

Ultimum locum Terra Chelmensis tenet, intet Lublinensem satrapiam, & Lithuaniae confinia posita, Volhyniam versus ortum respicit. Urbsque ipsa Chelma duos Episcopos habet; unum Catholicum, cuius Cathedra non ita pridem Crasnostayiam translata est: & alterum Russum, qui ibidem manet & templum suum Cathedrale tenet. Igitur in duo territoria divisa, Chelmense videlicet, & Crasnostayense, duos quoque Senatores habet, Episcopum, & Castellanum Chelmensem. Oppidaque præcipua Chelma ipsa, Rozana, Vlodavia, Crasnostavia, ad Veprum fluvi-

K um

um sita, ubi & Cathedra Episcopi, & arx palariumve, recentioris architecturæ sunt. Hic Divæ memoriae Archidux Maximilianus, cum ad Regnum Poloniæ paucorum temeritate vocatus, cum exercitu hostiliter veniret, a Joanne Zamoſcio profligatus, captusque asservabatur sub custodia. Qui quidem prædictus Zamoſcius in vicinia pene statim, urbem Zamoſciū in rure suo hæreditario, munitissimam fundavit, & mœnibus, fossis, vallo atque propugnaculis ex arte præsentis Geometriæ communivit, inque ea templum Canonicorum (quorum Decanus insulatus est) pro summa

ma in Deum pietate magnificenter et magnificientissime erectum, omnibus requisitis sufficientissime locupletavit. Et ut erat maximus ingeniorum liberalium educator, artiumque omnium & elegantiarum pater, evocatis Cracovia viris doctissimis Academiam instituit, & non Zamoscium modo suum, sed totam etiam Russiam Musarum splendore illustravit. Addidit Collegium sacerdotum & Seminarium Clericorum Catharina Ostrogia Thomæ Zamoscii Regni Cancellarii Uxor, auctusque numerus Professorum & Canonicorum egregie. Circum circa sunt non contemnenda quoque oppida ut

Scebresinum, Turobinum, Tarnogrodia, Tomaszovia, Ctesovia, aliaque complura; sed omnia fere ad ditio-
nem Zamoscii spectantia, ubi
& horros cultissimos, & pis-
cinas restagnantes, & di-
versorum animalium vivaria,
& ferrarias officinas passim
videre licet. Similiter quo-
que & in Uchanie, ubi Illu-
stris olim vir Nicolaus Da-
nielovicz Regni Thesaurari-
us, templum magnificentissi-
mum exstruxit, & cum pre-
ciosissimis aliis donariis, tuni
argentea suppellectili insi-
gniter ditavit. Palatium e-
tiam hic visitur superbum, &
horti amoenissimi; quod
commune est omnibus ma-
gna-

gnatibus Sarmatiæ. Hie addendam duximus Satrapiam Czerniechoviensem, ultra Borysthenem positam, quam Vladislaus IV. Moschis ademtam Regno Poloniæ adjunxerat atque præterque civitatum Præfectos, duos in ea Senatores, Palatinum videlicet & Castellatum, constituerat, eisque loca in Senatu Regni assignaverat, Catholici ritus compluribus in locis templis excitatis fundatoque pro erudienda inventute Collegio Clericorum Societ. Iesu Novogrodiæ. Sed jam ad Albam Russiam procedamus, quia Czerniechoviensis provincia propriè in Russia Nigra posita censenda est. K 3 RVS-

*R U S S I A A L -
B A.*

QUæ Magno Ducatu Lit-
uaniae adjacet subjacet
que Russia vulgo dicitur Al-
ba partim quod incolæ eum
colorem præferant, partim
quod nivibus campi cooperti
diutius quam alibi durent, &
inspestantibus omnia alba
repræsentent, ut etiam in na-
turam animalium color iste
transcat, siquidem ibi & lu-
pos & ursos, lepores, vulpes,
aliaque tam domestica, quam
sylvestria animalia passim al-
ba videre est, quæ nihilo-
mi-

minus in aliis locis nata ali-
um colorem habere solent.
Regio est omnium rerum
quæ ad vietum spectant fera-
cissima , siliquinis , hordei ,
avenæ, tritici, ciceris , cana-
bis, lini, mellis, lupuli, ceræ,
pecoris, piscium, avium , &
ferarum, hæque sunt divitiæ
ipsorum, quas, partim Dunæ
fluvio , in Livoniam ad em-
porium Rigense transmit-
tunt, partim Nemono , per
Lituaniam , Regiomontem
in Prussiam. Dividitur autem
hæc nobilissima provincia ,
in sex maximos Palatinatus,
seu satrapias, quarum prima
populosior cæteris est N O-
VOGRODENSIS quæ in
duos districtus dividitur : in

Novogrodensem & Slonimensem, uterque plurima oppida continet & bene populata, sed præcipua hæc sunt, Nouogrodum, ubi alternatis vicibus, cum oppido Minsco, Parliamentum totius Magni Ducatus Lituaniæ celebratur, & Ignatianorum residentia habetur, præter alia Monasteria Græci & Catholici ritus. Slonium, Rozana, Selecia, Mysza, Lachovicia, à felicis olim memoriæ viro Carolo Chodkiewicio, Generali exercitum Lituaniæ, palatio pulcherrimo, & propugnaculis, ex recenti dimensione factis, firmissime communica. Similiter Nesuizia,

Du-

Ducum Radivillorum nidus,
ubi excellentissimus ille &
cum omni antiquitate com-
parandus vir, Nicolaus Chri-
stophorus Kadivillus Pere-
grinus cognominatus, (quod
habitu peregrini terram
sanctam adierit) complura
monasteria sumptuosissima ,
Xenodochia, Seminaria, Col-
legiumque Societatis JESU
Clericorum, & Bursas studen-
tium , plane regali animo &
sumptu erexit , inque cæteris
possessionibus suis templis
passim refectis aut à funda-
mentis excitatis , palatum
Ducale loco munitissimo
moderna architectura exstru-
xit : similiter prætorium ur-
bis , & arcem Myrh dictam

K 5 quar-

quarto ab urbe lapide , cum
prædiis, villis, hortis, poma-
riis, piscinis , & viis quaqua
versum per aliquot milliaria,
ad regulam rectissimè dispo-
sit is, fossas à parte utique &
arbores fructiferas apposuit ,
inque media Sarmatia Itali-
am nobis exhibuit. Novem
inde milliariis distat Sluc-
kum , urbs omnium quæ-
cunque in Polonia sunt ma-
xima , sed tota ferè lignea ,
templo Catholicorum exce-
pto , & Palatio Ducis. Hæc
olim, & jam patrum nostrūm
memoria Principem absolu-
tum , sed Regi Poloniæ feu-
datarium , cum amplissimis
possessionibus habebat , sed
stirpe non ita pridem defi-
cien-

ciente , cessit cum omnibus adjacentiis suis , in familiam Ducum Radivillorum. In Slonimensi vero districtu Rozana Sapieharum nidus cum ædificiis magnificenterissimis tum viarum rectissima dispositione per celebris est Monasteriumque Basiliatorum Catholicæ Ecclesiæ unitorum Divæ Virginis Mariæ imagine miraculosa pertorum Regnum Zyroviciis claret.

Secunda satrapia est MSCISLAVIENSIS , Præpetio fluvio à meridie & Borystheni ab ortu quasi triangulari forma adjacens , sylvis tota inumbrata & aquis immersa , dividiturque in duos

duos districtus amplissimos.
Mscislaviensem & Modzi-
rensem : & more cæterarum
satrapiarum Lituaniæ atque
Russiæ duos Senatores ha-
bet, Palatinum & Castellatum
Mscislaviensem, Oppida au-
tem præcipua , Cleckum ,
Ouruckum , Homliam ,
Criczoviam arcibus pulcher-
rimis & bene munitis exor-
nata , tum Ostrskum , Mscis-
laviam ipsam & Modziriam
in mediis paludibus sitam.
Ager tamen ubique vel in-
nata fœcunditate , vel accu-
ratiore hominum cultu beni-
gne sementem reddit ; Pe-
corumque omnis generis &
armientorum abunde habet;
sed maxime volucrum &
fera-

ferarum sylvestrium.

Tertius Palatinatus est
VITEBSCENSIS, si-
cūt & ille superior, ad Bo-
rysthenem versus Eurum po-
situs , qui itidem in duos
districtus bonos dividitur ,
Vitebsensem & Braslavien-
sem ; præterque has duas
civitates , aut verius unam
Braslaviensem (nam Vi-
tebscum ipsum , ob occi-
sum Beatum virum Iosa-
phat Archiepiscopum Ru-
thenici ritus Polocensem ,
quod eos ad unitatem Eccle-
siæ Romanæ induceret, ami-
sit jura civitatis & est reda-
ctum in pagum, sola arce re-
gia cum jurisdictione relicta)
& oppida ignobiliora , habet

Mo-

Mohiloviam urbem amplissimam , mercatoribusque plenam , emporio Moscitarum claram , Præcipuæ siquidem preciosioresque pelles quæ ex Moscovia veniunt , per eorum manus tam in Polonia quam in Germania distrahuntur. Vitepscum ipsum Collegium Societatis Iesu habet ex fundatione Alexandri Gosiewski Palatini Smolensensis , reliquaque hujus provinciæ oppida & civitates , diversorum Religiosorum domicilia , conventus & monasteria. Tum palatia nobilium & arces bene munitas ipsasque populationes fossis & propugnaculis cinctas.

MINSCENSIS satrapia quartum locum obtinet, præterque suum districtum habet etiam Borisoviense territorium. Omnium frugum copia dives. Minscum arcem bene munitam inter aquas habet, aliudque propugnaculum inferius non contemnendum. Est hoc enim Russis in more, ut quas vis principaliores civitates suas duplici munitione firmant, communissime inferiori & superiori arce. Unde & Barisovia quoque ad fluvium Berezinam sita, duplex propugnaculum habet, sicut & Minscum; quod tamen cives politiores continent, ob concursum nobilitatis

tis, Tribunali seu Parlamento totius Lituaniæ ibi durante. Sic enim consuetudine obtentum est, ut uno anno Parliamentum Vilnæ resideat, altero Minscii aut Novogrodcii vicibus alternatis celebretur. Toloczinum quoque hic, Smolniany, Coidanovia & Turkum haud incelebria oppida habentur; reliqua fere omnia ignobiliora. Monasteriis tamen & palatiis Magnatorum referta.

Quintum locum occupat **P O L O C E N S I S** satrapia, Poloteumque ipsum, ad Dunam fluvium positum, urbem mercatoribus plenam habet, & duplii propugnaculo seu

arci-

arcibus firma Archiepiscopi
Russici sedem in se continet:
in qua nostris temporibus
Beatus Josaphat collocatus,
ab impiis Schismaticis Vi-
tebscii interfectus, ad melio-
rem vitam transiit. Corpus
ejus huc translatum, maxi-
mis miraculis claret. Habent
etiam in hac urbe Societatis
Jesu Clerici, utiles in vinea
Domini operarii, Collegium
studiosorum, à Stephano
Rege erectum. Nec longe
admodum Usujatum civitas
egregia cum arce Starzicia,
Uelisia, caput unius distri-
ctus, ad eandem satrapiam
spectantis, & duæ incompa-
rabilis olim Herois Caroli
Chodkiewicci munitissimæ

L civi-

civitates Sclovia atque Bychovia , in quibus non modo progugnacula ex arte recentiori, sed & templa , monasteriaque ab illo , nova architectura sunt erecta. Tum monasterium Carmelitarum Discalceatorum Glebocii , & Franciscanorum Convent. Ozguæ ; præter Abbatias Ord. S.Basilii.

Ultima eaque maxima satrapia est SMOLENSCENSIS, Ducatum Severensem, Terram Czernichoviensem (utraque autem hæc septuaginta arces contjnent) & Districtum Orsanensem in se complectens. Smolenscum ad Borysthenis ripam in loco cditione positum , muro sex

cu-

cubitos lato , quinquaginta-
que duabus turribus firmum ,
speculam & propugnaculum
in medio urbis , in monte
excelsiore habet. Continet-
que circiter quatuor millia
domuum , præter aulas nobi-
lium & templa Religioso-
rum , tam Ruslorum quam
Catholicorum : inter quæ
unum est Ignatianorum , cum
Collegio pro studiosa ju-
ventute . Et sedes Episcopi
Russici , qui in spiritualibus
subjacet Archiepiscopo Po-
locensi , tanquam Suffraga-
neus , & uterque agnoscit
pro capite Romanum Ponti-
ficem . Catholicum verò E-
piscopum nuper fundavit
Vladislaus IV. una cum Col-

L 2 le-

legio Canonicorum profili-
gatis inde numerosissimis
exercitibus Moscovitarum.
Idque ex destinatione pa-
tris sui Sigis. III. qui Con-
ventum Ord. Præd. funda-
verat. Sunt & Græci ri-
tus monasteria sexus utri-
usque, & FF. Min. de Ob-
servant: prout & Doroho-
busi, atque Starodubi aliif-
que in locis. Dombrouna
quoque oppidum non con-
temnendum. Sicut & Orsza
ad Borystenem sita (in qua
tidem Societatis Iesu Cle-
rii Gymnasium publicum
habent) quæ semper fuit in
ditione Regis Poloniæ: Smo-
lenscum autem cum toto
Ducatu Severiensi, ante an-

nos

nos circiter centum, intercepserat Moschus, sed Sigism. III, Rex noster modernus, Anno 1611. bello recuperavit, & insuper Terram Czerniehoviensem; Rummensem & Sierpiejovensem ab hoste extorsit, & Smolenscensi satrapiae adjunxit.

L 3 PRUS-

P R U S S I A.

DRussia quamvis eodem
cum Polonis regno con-
tinatur, peculiare tamen con-
suum publicum, peculiares
leges, peculiaria iudicia, co-
mitia, ærarium, ac belli ge-
rendi rationem diversam an-
tiquitus habet. Estque am-
plissima regio, plerisque si-
nuosis flexibus ubique amœ-
na, & opportunis portibus
maris Baltici maxime com-
moda. In latitudinem 50,
in longitudinem verò circi-
ter sexaginta milliaribus ex-
tenditur. Et ab occasu Po-

me-

meraniam , ab Austro Maso-
viam, Lituaniā cum Samo-
gitia ab ortu , à Septentrione
demum mare Balticum seu
Sarmaticum habet. Atque
urbium illustrium , oppido-
rum, arciumque frequentia ,
opimis incolarum divitiis .
opibusque ac terræ ipsius u-
bertate, supra modum claret.
Metallorum quidem ferax
non est , sed pecoris omni-
geni inæstimabili copia , pi-
scationibus, venationibusque
& sylvis fructuosissimis , at-
que aeris demum temperie
cum amœnitate conjuncta ,
prædita est. Merces quas
è Polonia, Russia , & Litu-
nia accipit , maximo suo
commodo trans mare mittit;

& vicissim in Poloniam importat, quicquid Europa universa, & India dives gignit, omnia fere per commutationem a transmarinis mercatoribus accipiens. Hinc vulgo simul & nobilitati res ibi lautior quam in reliquis partibus Regni vestitusque & habitatio cultior; quod totum prisca frugalitas, non modo conservat, sed etiam in dies auget. Habet autem Prussia praecipua flumina duodecim, Vistulam, quæ Silesiam, Poloniam, Masoviam & Prussiam præterlabitur, Nemenum, ex Alba Russia, per Lituanię & partem Samogitiæ decurrentem, Derevanciam, Elbingam,

gam, Veseram, Passariam,
Allam, Prægelum, Oslam,
Drebnicam, Licam & La-
viam. Præterea lacus pluri-
mos, piscibus omnis generis
exundantes; in his nomina-
tissimus est Habus, ad quin-
decim millaria in longitu-
dinem, in latitudinem vero
duo millaria plus minus
habens: augusta valde insu-
la Neringa a mari disiungi-
tur, ubi succinum sive ele-
ctrum (ambram etiam ex-
terni vocant, quam fluctibus
appulsam ad littoia, homi-
nes nudi obviam eunt par-
vis retibus excipiunt & ex-
trahunt; mollem primum,
sed mox in aere durescentem
quæ torno deinde ac scalpro
varie

varie conformatur) sicut & in omnibus Prussiæ littoribus colligitur. Est & alias lacus aliquanto amplior isto, cognomento Curoniensis, sed in Prussia Ducal: reliqui omnes fere minores. Duplex autem est Prussia, Regia & Ducalis: sic dictæ, quod hæc Ducem, Marchionem Brandenburgensem, Regi Poloniæ vestigalem, pro Domino agnoscat; illa, directe Regno Poloniæ incorporata, neminem pro principe superiore, nisi Regem ipsum veneretur. Et Ducalis sanc minoribus oppidis frequens est admodum. & quidem nec incultis, nec immunitis, quæ ultra sexaginta numerantur:

ha-

habetque metropolim Regiummontem urbem emporio claram, tribusque oppidis & arce magnifica insignem, longitudinis gradu 43, lat. 54. In qua, Academiam quoque Albertus ex Magistro Ordinis Teutonici primus Dux factus An. 1544 erexit: sed quia Hæreticis professoribus regendā commisit, ideo hucusque incognita habetur, nec efflorescit ingenii. Cives etiam ibi variis sc̄ptis infecti, tempora Lutheri adhuc temporibus Catholicis erepta, suis prædicatoribus gubernanda derunt. Quare Serenissimus Rex Sigism. III. cum à Duce illo Anno 1621. Homagi-

um

um Varsoviæ recipere, legem
imposuit ut Catholicis libe-
rum religionis exercitium
maneret, Duxque ipse tem-
plum illis à fundamentis eri-
geret, & omnibus requisitis
ornaret, Clerumque insu-
per sufficientissime ditaret.
Quod primo statim anno
factum est ut in possessio-
nem venit, alias enim Du-
catu ipso privari debebat,
sicut etiam, si subditis suis
provocationes ad Regem in
causis majoribus prohibui-
set.

Regia autem Prussia, tri-
bus satrapiis distincta est,
Culmensi, Marieburgensi &
Varmiensi. Michaloviense
autem territorium est in sa-
trapia

trapia Culmensi, quæ ad me-
ridiem spectat. Varmiensis
ad Aquilonem, subiecta E-
piscopo suo, & sacro Eccle-
siæ ejus collegio, Regis
Poloni majestatem agnosc-
centibus. Media est Ma-
rieburgensis, quæ sola fe-
re plana & declivis est: reli-
qua Prussia pleraque omnis
collibus molliter, & ad fer-
tilitatem amœnitatemque
commode distincta est.
C U L M A igitur primæ
satrapiæ caput, ad Vistulæ
ripam sita, pro sua amplitu-
dine infrequens civitas est, &
Episcopo paret, qui inde
nomen habet: quamvis ca-
thedra ejus sit in oppido Cul-
mensi, uno millario in-
de

de distante. Templa tamen pulcherrima preciosisque vestibus sacris ornata habet, inter quæ minimum est illud Monialium, sed omnium tam quo ad possessiones, quam ad vas a sacra ditissimum. Ubi inter vestimenta alia usui sacrorum dicata habent quoque casulam totam diamantibus maximis pretiosissimisque exornatam, circumductam autem circum circa catena aurea pulcherrimis gemmis distincta. Hujus satrapiae oppida præcipua sunt Brodnicia, Grudentum, Radinum, Golubia, Rogozna, Brathianum, Covalia, Copriunicza, Lubavia Episcopi Culmensis, quæ omnia

fere

fere mœnibus cincta sunt, & arces validas, beneque exædificatas habent. Sed primarium locum obtinet Torunia, urbs in ripa Vistulæ sita, longitudinis gradu 41, latitud. 32. nulli ex urbibus Germaniæ pulchritudine, munitione & divitiis cedens. Plurima hic templa Catholica & Societatis I E s u Clericorum gymnasium non infrequens, sed mercatores communissime & magistratus hæretici sunt, habentque gymnasium suum, in quo humaniora diligentissime tractant, in sacris autem ordinarie Controversias Cardinalis Bellarmini prælegunt. Habent & Bibliothecam

cam instructissimam, in qua
duæ Ciceronis Epistolæ in
tabulis cereis scriptæ affer-
vantur. Prætorium quo-
que in hac urbe est elegantis-
simum, in medio foro situm,
quale nullibi videbis: ingre-
sis enim stuporem iniiciunt
pavimenta, parietes, laquea-
ria, trabes, ut nihil ad per-
fectionem architecturæ re-
quiratur.

Secundæ satrapiae caput
est MARIEBURGUM, cum
ipsum per se mœnibus tur-
ribusque permunitum: tum
arce amplissima (in qua præ-
cipui ex hostibus captivi
communissime affervantur)
& munitissima nobile, si-
tum ad Nogatum brachium

Vi-

Vistulæ, sexto ab urbe Gedano milliario: propterque adjacentis Zulavæ ubertatem, pagorumque in ea frequentiam & cultum, copiosum satis & frequens. Est autem Zulava insula in palustri olim restagnantis Vistulæ solo, operibus & præalri ac firmi aggeris objectu effecta, quæ magno hominum labore, & non sine periculo ab inundatione fluminis defensatur. Est duplex, major & minor. Major vocatur hæc quæ Marienburgo adjacet. Minor autem ea, quæ ad Gedanum est, inter alterum ejusdem Vistulæ brachium, & est quidem tota in possessione & libero

Musu

usu civium Gedanensium,
Sed antiquitus major ejus
pars Ecclesiæ Parochiali
debebatur. Oppida hujus fa-
trapiae sunt primaria, Stuma,
Gnievum, Novum, Stargar-
dia, Orneta, sed præcipue El-
binga, bene permunita & co-
piosa, splendidisque civium
opibus & mercatorum divi-
tum frequentia clara, in qua
præter urbis Consulem, An-
gli quoque suum Magistra-
tum habebant. Fundaverat
hic Albertus Primus Dux
Prussiæ Academiam Anno
M. D. XLII. sed quia Lu-
theri discipulis gubernandam
commiserat, ideo ignobilis
hactenus fuit.

Tertia satrapia est VAR-
MI-

MIENSIS Episcopa , seu principatus singularis, habens nobilitatem ab omni regiorum magistratum jurisdictione exemptam , qui jure municipali eodem quo & cæteri Prussi utuntur . Primaria urbs est Heilsberga domicilium Episcopi , (Cathedra enim supra Fraumbergam est) munitionibus & propugnaculis benè firma . Deinde Brunsberga ad Passariam sita , adeo frequens copiosa & permunita , ut inter primarias urbes Prussiæ numerari queat . Collegium Jesuitarum habet à Hosio Cardinali fundatum . His urbis non multum cedunt , Gutestadia , Allesteinum , Re-

fla, Vormita, Melsacum,
Vatemberga, Sebergum &
aliæ civitates, Capitulo dire-
cte, subjacentes. Senatus itaq;
Prussiæ, quos consiliarios ter-
rarum Prussiæ vocant, con-
stat duobus Episcopis, Var-
miensi (qui princeps & mo-
derator reliquorum est) &
Culmensi : Palatinis tribus,
Culmensi, Marieburgensi, &
Pomeranico (Pomerania si-
quidem iisdem quibus &
Prussia legibus utitur, & qua-
si pro una provincia cum
Prassis computatur, solo titu-
lo Pomeraniæ excepto,) Ca-
stellanis tribus, Culmensi, El-
bingensi & Gedanensi (& hi
supra nominati octo Senato-
res ad Senatum quoque Rei-
pub.

pub. pertinent) & totidem
Subcamerariis , Culmensi,
Marieburgensi & Pomera-
nico : tribusque demum pri-
mariis civitatibus , quarum
non mediocris est potentia ,
Torunensi, Elbingensi & Ge-
danensi. Præter hos autem
magistratus , habent Prussi
Thesauratum, Præfectos ar-
cium, Gladiferos, Iudices &
Scabinos; verum ii non perti-
nent ad consilium. Palati-
ni autem, qui jurisdictionem
exercent , majorem hic in
Prussia auctoritatem habent,
quam in cætera Polonia.

P O M E R A N I A.

DOmeraniæ nomine generaliter id totum vocatur, quicquid a Vistula incipiens, usque in Cimbricam, littori maris Baltici adjacet; quod postquam in Germanicæ gentis ditionem cessit, cui libet parti, inter fluvios maiores in mare decurrentes sitæ, peculiare nomen, vel a eventu, vel a loci natura, pro libitu imposuerunt. Proprie autem nunc Pomerania dicitur, ille tractus, qui inter Oderam & Vistulam fluvios, extenditur ad littus Balticum: cuius partem citerio-

rem Rex Poloniæ : possidet
ulterior proprium principem
habet , ad Imperium Ger-
manicum spectantem. Qui
tamen nomine olim Lem-
burgi & Bithoviæ, Regis Po-
loni beneficiarius fuerat , ju-
rat atque ritu solenni in ver-
ba ejus, quemadmodum &
Dux Prussiæ. Sed nunc jam
ad coronam Poloniæ rediit
& Provinciae Prussiæ adscri-
pta est sub jurisdictione Pa-
latini Pomeraniæ. Nam Re-
giæ Pomeraniæ , quæ iis-
dem moribus & legibus
cum Prussia est , nec ni-
si titulo solo ab illa differt , &
fluvio Vistula disiungitur. Ge-
danum urbs metropolis est ,
longitudinis gradu 41. latit.

54. maris Baltici emporium celeberrimum , copia & varietate mercimoniorum, partim maritimorum , ex toto occidente & septentrione, partim terrestrium , ex diversis mundi partibus , & fluvialium , maxime Vistulæ præterlabentis opportunitate abundans ; adeo ut ædificiorum tam privatorum quam publicorum pulchritudine , incolarum & externorum multitudine, civium divitiis , propugnaculorum firmitate , machinarumque & instrumentorum bellicorum numero, cum præcipuis Europæ urbibus certare possit. Quæcum hæretica tota sit, Officialem tamen seu Vi-

carium Episcopi patitur , & coram illo omnes hæretici variarum sectarum causas suas disceptant , præsertim in materia matrimonii . Quamvis enim hæc satrapia proprium Episcopum non habeat , in spiritualibus tamen tota subest Episcopo Vladislaviensi seu Cujaviæ , qui se etiam Episcopum Pomeraniæ scribit , & in ea non contemneendas possessiones habet : Etiam in suburbanis Gedanensibus : ubi templum & collegium pro erudienda juventute Ignatiani habent , Dominicanı autem , Carmelitæ & Moniales in urbe ipsa , sicut & Vicarius Episcopi . Gymnasium hic

Lutheranorum celebre est ; itemque horologium urbis affabre elaboratum , & palatium publicum vulgo Gelda dictum. In ipso quoque maris portu , propugnaculum munitissimum exstru-
ctum , Pharum vocant , & firmo præsidio custodiunt : ubi interdum quingentas una die cum mercibus naves appulsas videbis , quæ à præ-
sidiariis excutiuntur , & portorium persoluunt. Cona-
batur huc Suecus bello du-
rante irrumpere , sed a re-
giis fortiter exceptus , naves aliquot & Admiralem amisit , qui cum sua prætoria igni exustus fuit ; reliquæ fugatae & submersæ , captæ vero se-

ptem.

ptem. Abundat autem magnopere hæc provincia, piscibus, frugibus, fructibus & sylvis; dividiturque in septem territoria, & totidem judices habet, in Sluchoviense, Tucholiense, Suecense, Dersaviense, Zucoviense, Puscense & Mirachoviense. Quibns etiam Craina, & Cassubia, tractus terræ non contemnendi, adjunguntur: in quorum illo priore Abbatia Coronoviensis præpinguis est; in isto præfecturæ aliquot regiæ. Puckum præcipuum oppidum satrapiae cum arce munitissima ad mare sita, quam intercepserat Suecus, uti locum sibi ad invadendam to-

tam provinciam valde opportunum, sed virtute nostrorum expulsus, multis militibus suis amissis. Nec multum illi cedit Sluchovia, Stargardia, Neimarcum, Meva, Choinicia, Derasavia, quæ arces sibi adjunctas habent; reliqua non item: nisi quod Amsterignum, bello hoc famam aliquam inter cætera sibi paria videtur acquisivisse, quod in eo duas Sueci legiones, Koniecpolscius Polonici exercitus Generalis, integras ceperit, armisque & signis spoliatos dimiserit omnes, præter ductores ipsos. Habet Abbatias quoque hæc provincia prædiyites, af-

ia-

fabreque facta monasteria,
Olivæ, Pepliniæ, Cister-
ciensium : Zarnoveciæ ad
littus maris, & Zukoviæ,
monialium, & quod uni-
cum tantum hujus Ordin-
nis in tota Prussia est, pro-
pe Dantiscum, Cathusia-
norum.

M A S O-

MASOVIA.

IN Meditullio quasi regni Poloniæ sita est Masovia, quatuor satrapiis distincta. Plocensi nimirum Palatinatu; Podlachico; & eo, qui peculiariter Masoviæ nomen retinet; atque Terra Dobrinensi.

DOBRINENSIS occidentalis est, inter Cujaviam & Prussiam posita; inque tria territoria dividitur, nempe in Dobrinense, Ripinense & Libnense sylvas fructuosas complures habet, & lacubus piscosis in primis abundat: præterque hæc tria oppida, quæ

quæ suorum territorium diximus esse capita , nullum aliud celebrius habet , nisi illud quod vulgo Skompe vocatut, in quo Minoritæ imaginem Beatissimæ Virginis miraculosam asservant , fitq; eo magnus populorum concursus ex circumiacenti vicinia devotionis ergo. Gurzno etiam oppidum Episcopi Plocensis , (qui in toto illo tractu jurisdictionem suam exercet) est alicujus momenti , multosque pagos subjetos sibi habet. Senatores Terræ Dobrinensis sunt Castellani tres , Dobrinensis , Ripinensis & Slonnensis.

Hinc versus ortum procedendo , inter Vistulam &

Prussiam jacet Palatinatus
Plocensis , qui in quatuor
territoria dividitur , Plocen-
se , Zaucrense , Mlavense &
Stenense . Habetque Sena-
tores quinque , Episcopum ,
Palatinum & Castellatum ,
Plocenses : deinde Racian-
ensem & Siepercensem ,
Castellanos . Oppida ferè
omnia ignobilia sunt , præ-
ter Sieperciam (ubi imago
miraculosa Beatissimæ Vir-
ginis habetur , fitque homi-
num concursus magnus) &
Ploscum ipsum , basilica no-
bile & Episcopo , situm in ri-
pa eminentiore Vistulæ , un-
de prospectus in partes om-
nes amœnissimus ; quem eo
jucundiorem faciunt naves

affl:

assidue huc , illuc transeun-
tes, & pomaria per circuitum
urbis disposita , fructus sapi-
dissimos proferentia. Tem-
pla hic plurima , & bene di-
tata, præcipue Monialium S.
Mariæ Magdalenæ in subur-
bano , & Benedictinorum
Abbatia in arce, ubi Basilica
quoque ipsa, haud inelegan-
tis structuræ , dives argento
& clenodiis , inter quæ visi-
tur etiam caput S. Sigismun-
di Regis, à Serenissimo Rege
Sigismundo III. loco illi
(quod nimicum Basilica i-
psa sit sub titulo S. Sigismun-
di erëta) non ita pridem
donatum, thecæ auri obryzi
inclusum , & plane regali
munificentia , gemmis & la-

N pidi.

pidibus prætiosis exornatum. Capitulum hic fere æquales redditus cum Episcopo habet, nam Præpositus ipse integrum territoriū possidet, estque supremus Dominus nobilitatis illius, quæ ibi manet. Sicut & Episcopus, Pultoviensis territorii supremus est Princeps, nec ab illo datur provocatio ad Regem: sed ita nobiles sunt illius subditi, sicut & Episcopi Varmiensis; aut Cracoviensis, in Ducatu Severiensi. Jesuitæ hic Collegium erudiendæ juventutis habent, sed est & gymnasium castrense, sub cura venerabilis capituli, qui eo magistros ex Academia Crac. evocant.

Urbs ipsa civili populo
abundat qui partim agros, &
hortos pomiferarum arbo-
rum colit, partim mercatu-
ræ studet, ad quam gnaviter,
exercendam loci opportuni-
tas, ipseque in primis Vistu-
la oneriarum nayium ca-
pacissimus incolas invitat.
Sulmonum hic & silurorum
copiosior fit ex piscatione
proventus, Mense Martio
præsertim. Sed & Trocta hic
ab egregia pulparum pin-
guedine maxime commen-
datur.

Sequitur M A S O V I A
ipsa, quæ Episcopum nul-
lum, Palatinum autem Ge-
neralem habet, atque Castel-
lanos septem Cyrenensem,

N 2 Viç

Visnensem, Varsoviensem,
 Visgradensem, Zacroci-
 mensem, Ciechanoviensem
 & Livensem. In spirituali-
 bus autem partim subest Epi-
 scopo Posnaniensi, partim
 Plocensi, partim Luceorien-
 si. Et quia ampla provincia
 est, ideo in duodecim territo-
 ria dividitur, in Cygnense.
 Visnense, Zembioviense,
 Varsoviense, Nurense, Visse-
 grodiense, Zacrocinense, Cie-
 chanoviense, Lomzense, Ro-
 zanense, Macoviense & Li-
 vense. Præterque prædicta
 oppida, quæ suorum territo-
 riorum capita sunt, habet
 complura alia notabiliora
 multo, ut Pultoviam, Episco-
 pi Plocensis residentiā late-
 riciis

riciis domibus. & arce in sco-
pulo pulchre exstructa , hor-
tisque ac pomariis amoenissi-
mis nobilem , quasi in insula
Narvæ navigabilis fluvii si-
tam,in qua & Societatis J E-
s u Clerici insigne studium
habent & Collegium Cano-
nicorum templum magnifi-
cum beneque provisū . Czer-
nienscum vero ad Vistulam
situm, habet Abbatiam Ca-
nonicorum Regularium di-
tissimam : Tandem Minskum,
Varcam, **Vengroviam**, **Gar-**
voliniamque optima cere-
visia oppida celeberrima : si-
militer Stanislavoviam, Bro-
cumi, Viscoviam, Seroczam,
Lomzam Collegio Ignatianorum insignem ; atque

N 3 de-

demum Varsoviam ipsam
centrum Regni Poloniæ, at-
que ob id Comitiorum lo-
cum privilegiatum, ut ex
omnibus provinciis æqualis
sit commeantibus distantia.
Est enim sita longitudinis
gradu 43. latit. 52. quadra-
ginta milliariis a Cracovia
& Posnania. Habetque pala-
tium amplum quadratum, re-
center à Serenissimo Rege
Sigismundo III. sumptuosissi-
mè exstructum, cum antea
tota ferè fabrica lignea fue-
rit, itemque extra urbem
aliud, Viasdoviæ Vistulam
prospectans, inter hortos
amœnissimos. Templa quo-
que magnifica habet, inter
quæ primarium S. Joannis

Bapti-

Baptistæ, Canonicorum secularium, picturis & vestibus sacris preciosis, pro regia maiestate exornatum. In suburbio, Cracoviensi dicto, versus Viasdoviam, est trophæum victoriæ de Moschis, capella nimirum, pulchre jussu Regio fabricata, in qua repositus quiescit Jo. Demetrius Suiscius, Magnus Dux Moschorum, & tot populorum Asiaticorum Imperator, qui captivus vitam in carcere Gostiniæ finiverrat, unà cum fratribus ducibus.

Sunt & in suburbii complura procerum palatia solerti artificum Italorum ingenio exstructa, sed quæ inter

N 4 Regia

Regia villa à Vladislao I V.
 nuper extructa interiori
 elegantia eminet. Tum co-
 loslus ille quem Divo Sigis-
 mundo III. Patri suo recen-
 ter erexit. Habet Masovia
 tota quinque & quadragin-
 ta millia equestrium fami-
 liarum , quarum si quælibet
 unum saltem virum equo ar-
 misque decenter munitum
 præberet, quantus in patriæ
 defensionem exercitus illico
 fuisset? Et sicut plurimi, ut cu-
 jusque census est , qui pos-
 sunt integras etiam turmas
 armare: præter pedites, quos
 duplo majori numero urba-
 na rusticaque plebs præ-
 bere possit. Sola siquidem
 Praesnicensis regio septem
 millia

millia equestrium familia-
rum perhibetur continere, è
quibus nulla tam egens est
quin equitem unum in pu-
blico tumultu armet. Quos
inter *Vetustissima Romano-*
rum Valeria familia coryum
pro gentilitiis insignibus ge-
stat & tam fœcunda sobole
est ut ad duo millia familia-
rum prope accedat. Gens
pugnacissima, & quæ à per-
dita audacia, mortis con-
temptrix habetur.

Ultima provinciæ Maso-
viticæ satrapia PODLA-
CHIA, in spiritualibus to-
ta Episcopo Luceoriensi sub-
jecta, duos tantum Senato-
res habens, Palatinum &
Castellatum Podlachiæ. Di-

N s vidi-

viditurque in tres quasi districtus. Drogiczynensem, Mielnicensem atque Bielsensem : quae etiam tria oppida sunt principaliora, reliqua non item, praeter Holovacze, Surasiam, Visokie & Knisimum. Ticocinum quoque oppidum non est postremo censendum, ob elegantiam palatii, inter paludes loco munito exædificati, architecura recentiore, studio & munificentia illustrissimi viri Christophori Viesiolorum, Magni Ducatus Lituaniae Curiæ Marschalci, qui etiam quarto inde millari, Bialostocum castellum pulcherrimum possidet, ubi tempulum, ad elegantiam modernam

nam cum omni sacro appa-
riatu exstructum conspicitur.
Et paulo inde longius , Su-
prasium Russorum in sylvis
ditissimum monasterium , in
quo S. Basili professi , sub
obedientia Ecclesiæ Roma-
næ habitant : fitque eo ma-
ximus hominum concutus,
miraculis indies inclarescen-
tibus.

S A M O G I T I A.

SAtrapiam ea nullam ha-
bet , sed præfecturas per-
multas : summusque ejus
Toparcha , vulgo Capita-
neus , locum in Senatu Re-
gni , cum Episcopo & Castel-
lano , habet , cum præter ip-
sum

sum , nullius urbis aut regionis præfecto , locum habere in Senatu liceat , nisi fuerit aliqua alia dignitate majori ornatus , puta Cancellarii , Marschalci , Palatini , aut Castellani . Regio hæc satis ampla & fertilis est , sed sylvis tota inumbrata : à septentrione Livoniæ contemna , marique Balthico : ab occidente Prussiam Dualem in vicinia habet : à meridie & ab ortu Lituaniæ adjacet . Civitates tam Regias , quam nobilium complures habet , sed penitus omnes ligneas ; præter Counam , ad Crononis seu Nemeni littus sitam , collegio Soc. Jesu , & Monasteriorum celebritate illustris .

stris. in qua Germani mercatores, superiori ætate lateribus & lapidibus elegantius ædificare cœperunt : nunc reliqui incolæ quoque eodem studio tenentur , illosque superare contendunt. Sed turba agrestis in hamilibus casis habitat, quæ ut plurimum ad lacus, rivos, & flumina , sitæ sunt , stramentis aut afferculis intactæ : præter prædia domosque nobilium , quæ ampliores sunt & cultiores. Terram non ferro sed ligno proscindunt , quæ tamen non est arenosa , sed tenax & fertilis satis. Equos adeo parvos habent , ut vix credibile sit ad tantos labores eos posse sufficere, quibus toris

foris in bello ad trahenda onera , domique in colendis agris utuntur. Episcopum habent Romanæ obedientiæ, qui , uti diximus , cum suo Castellano & Capitaneo ad Senatum Regni pertinet , & Cathedram suam atque residentiam Medniciæ tenet. In vicinia verò ejus est Præpositus insulatus Oidinis S. Augustini , cruce rubea signatorum , quos non ita pridem , quidam è prosapia Ducum Gedruiciorum in rure suo hæreditario adscriptis amplissimis possessionibus , fundavit , quod nimirum in ea religione olim ayū suum paternum , Beatum Michaelem haberet ; qui Cracoviæ in

in Conventu S. Marci multis, cum viveret, virtutibus clauit, & non sine sanctitatis opinione in eodem cœnobio, ubi strenuum religiosis pugilem se præbuit, è vivis sublatus quiescit. Ad tu-jus tumulum etiamnum quo-que varia miracula patran-tur, Deo sanctorum suorum gloriam in dies augente. Est & Collegium Societatis J E-s u Clericorum, pro studiofa juventute à magno illo He-roa Carolo Chodkiewicio, Crosis erectum. Qui cum ardentissimus veræ pietatis cultor esset, etiam Cretin-gæ, ubi sepeliri optabat F.F. S. Francisci de Observantia, magnificientissimum mona-ste-

sterium, ad littus maris extruxit, & divite suppellectili, in vasis tam argenteis, quam etiam aureis, liberalissime dotavit. Sunt & alia plurima religiosorum viorum frequentia insignia, uti est Calvariæ conventus Dominicanorum, Virzboloviae, Lincoviæ, Gitovianis, Rossienis, Vornis, Telsius, atque alibi.

L I V O N I A.

Ultimo Regno Poloniæ accessit. Livonia seu Lieflandia, regio amplissima, siliquinisque & frumenti perdives, pecoribus ac jumentis domesticis omnis generis maxime abundans (quæ omnia

mnia deinde flaviis Duina
& Nerva ad portus maris,
atque inde in Hollandiam,
Scotiam & Angliam trans-
mittit) lacubus flaviisque
piscosis., & sylvis ad vena-
tionem idoneis referta : in
quibus habet ursos, alces,
vulpes, lynces, marturos, ca-
stores, & omnis generis ani-
malia, quæ ex Moscovia ve-
niunt. Siquidem eam ab o-
riente contiguam sibi haber,
& Nerva tantum fluvio ab
illa separatur. A Septentrione
cum Sueciæ regno & Finlan-
diæ Ducatu per maris Bal-
tici sinum viciniam gerit: Ab
occidente nonnihil Prussiæ
adhæret. A meridie vero Sa-
mogitiæ & Lituaniæ jungi-

O tur;

tur : extenditurque in longitudinem nonaginta milliibus Germanicis, in latitudinem verò quinquaginta. Et dividitur in octo territoria, Leitlandiam videlicet, Vikeclandiam, Curlandiam, Semigaliam, Estlandiam, Virlandiam, Hariam, Gerwandiamque : quæ singula nunc bellis per tot annos sanguinibus cum Sueco, atrocissimè vastata sunt, & à diversis Principibus possidentur, hoc est à Mosco, Sueco, Dano, & Rege Poloniæ, qui præcipuas ibi arcas & civitates possidet, habetque in ea septem Senatores ad Consilium regni generale pertinentes, puta Palatinum Castellatum

num & Episcopum Vendensem, Palatinum & Castellatum Parnaviensem, & Palatinum atque Castellanum Derpatensem. Ac præterea vasallū non contemnendum. Ducem Curlandiæ & Semigaliæ. Riga totius provinciæ metropolis, quam fluvius Duina amplissimus una cum arce alluit: urbs ipsa muro firmissimo propugnaculisque & turribus densis undique munita, item vallo inexcusso, tribus ordinibus tormentorum apto, fossisque duabus ex utraque vallis parte circumducta, & stipitibus acutis circumsepta. Instrumentisque insuper bellicis, ac tormentis æneis, & com-

O 2 mea-

meatu copioso , tum militibus stipendiariis , pacis & belli tempore bene provisa. Magnum in ea est & celeberrimum emporium : & quamvis duobus milliaribus distet à mari , naves tamen omnigenæ facillime de mari sub ipsa urbis mœnia deveniunt & redeunt. Ubi vero fluvius mari illabitur, est arx Dunamunda inexpugnabilis natura oportunitateque loci , duobus à Riga milliibus. In ea omnes naves ex ultramarinis regionibus venientes, merces suas indicare , teloniaque persolvere coguntur : iterumque excutiuntur in Blokaus munitione sita medio loco inter Ri-

Rigam & Dunamundam.
Hæc igitur tam dives atque
potens urbs, diversas hære-
sum sectas in se continens,
moleste ferebat valde, quod
piissimus Rex Societatis Iesu
Clericos illis dedit &
Collegium pro instituenda
juventute in urbe fieri jussis-
set. Similiter quoque Perna-
viæ, Derpati, & Vendæ. Qua-
re metuentes sibi, ne cura
hominum patrum, hæresis i-
psorum extirparetur, tem-
pore quo nos cum Turca
bello gravissimo in Valachia
occupati fuimus, concitatis
circum vicinis urbibus ad
rebellionem, Suecum ad se
cum exercitu evocarunt, &
ut fautorem ac promotorem
Oz suæ

suæ religionis portis apertis
admiserunt ; unde nobis po-
stea bellum cum ipso difficil-
limum , non in Livonia mo-
do, verum etiam in Prussia,
simili stelere hæreticis urbi-
bus eum ad se evocantibus
per annos aliquot duravit.
Quod postea induciis di-
remptum fuit , & Riga ipsa
cum aliis nonnullis mariti-
mis locis , in Sueci potesta-
te mansit. Sunt etiam pluri-
mæ aliæ in hac provincia
Urbes & arces optimè muni-
tæ , & ex laterculis omnes
penè factæ : inter quas cen-
setur quoque Kirchholmia,
ad Duinam fluvium duo-
bus milliaribus à Riga ver-
sus orientem sita , ad quam
feli-

felicis olim & piæ memoriae
Dux exercituum Lituaniæ
Carolus Chodkiewicius, cum
tribus suorum militum mil-
libus, aggressus Marte aper-
to Carolum Sudermanum,
patrem Gustavi, sic eum acie
vicerat, ut novem millia cæ-
forum essent, quatuor autem
millia captivorum. Penes
eundem Duinam superius
procedendo est arx Koken-
hausum, & paulo longius
Volmaria civitas, & castrum;
utraque similiter clade Sue-
corum ingenti nobilitata: ad
illam enim septem millia
una die transmarinorum mi-
litum cæsa fuere: ad istam
ultra duodecim millia occi-
sa, vix duodecim horis elap-
sis.

sis. Sequitur Derpatum insignis urbs, & arx in colle munitissima, Moscoviae contemnita, cuius praefecturam, quod hostis esset in vicinia ipse praedictus Chodkiewicus gessit, qui & totius Livonie Gubernator fuit. Quamvis aliis fuerit provinciae Derpatensis Palatinus, subditorum defensioni a Rege institutus: Sicut & Vendae atque Parnaviae. Et Venda sane urbs insignis est & arcem firmissimam habet, ubi Rex Stephanus, Livonia a Mosco recuperata, Episcopum Catholicum instituerat, quod tota provincia varias haereses amplexa, nullum sacerdotem Catholicum

licum haberet. Erat ibi & Collegium Societatis Iesu, sed pulsi ab hoste in Lituaniam redierunt omnes, Episcopus autem in Minoris Polonia Abbatiam Cisterciensium præpioguem Sulovensem sustentandi sui honoris causa a Rege obtinuit. Paravia demum urbs est egregia ad mare posita, quæ & aram insignem atque benè munitam habet, ac propterea Palatinum gubernandæ regionis habet, quam similiter Chodkiewicius vi recuperaverat à Sueco, cæso in ea firmissimo pæsilio. Sed eam iterum nunc Sueci habent. Reliquæ populationes & urbes possidentur à diversis

O s Prin-

Principibus ut Nerva cum portu maris & duabus arcibus firmissimis a Moscho; Urbs Revalia cum portu a Sueco: insula Osilia a Dano; reliquum quod Lituaniæ conterminum est a Rege Poloniæ. Et hæc de provinciis coronæ Poloniæ subiectis, deque situ & natura earum, nunc breviter videamus & examinemus Polonorum ingenia, opes, vires, leges atque alia quibus regnum suum firmant, & tantopere libertatem suam tuentur.

I N G E N I A *Polonorum.*

Thingenia Polonorum sunt aperta & candida, utque Joan-

Joannes Boterus in suis Relationibus inquit, falli, quam fallere magis apta : minimeque proterva aut pertinacia, sed tractabilia & placida: unde in primis exemplis commoventur. Sunt autem principibus & magistratibus suis satis morigeri æquè omniū provinciarum populi , & ad comitatem , civilitatem, benignitatem , & hospitalitatem prompti, ita, ut ignotos & externos non modo libenter suscipiant hospitio, sed etiam invitent, & omni officio prosequantur : Et non solum ad convictum atque familiaritatem quorumlibet faciles, verum etiam ad mores & imitationem eorum , cum quibus

bus vivunt , extenorū
præsertim, flexibiles. Tene-
ram ætatulam litteris addi-
scendis impendunt , ut ver-
nacula & Latina lingua lege-
re & scribere sciant : unde
ne in medio quidem Latio
tam multos reperias , cum
quibus Latine loqui possis ,
& ubi tam in Cancellaria
Principis , quam in curiis
Parlementorum , inferio-
rumque omnium judicūm
subselliis causas decisas , &
munimenta lingua Latina
descripta videoas. Adultio-
res, si plebeii sunt , agrorum
cultivationi , opificio , aut
mercaturæ sese addicunt :
nobiles vero , militiæ , sacer-
dotio , & ministeriis opulen-
tio-

tiorum. Utique autem libenter peregrinantur, & eorum gentium linguis ad quas perveniunt, cupide & facile discunt. Sunt enim docilia hominum ingenia, & valent quocunque intenduntur: sed tamen alienis inventis perdiscendis ea magis accommodant, quam ut novi aliquid ipsi excogitent, & excellere magnopere ulla re studiant. Nihilominus non defuere nobis insignes Mathematici, Astrologi, Dialectici, Oratores, Poetæ & Philosophi; tum Medici, Jurisconsulti, atque Theologî, qui & Rempub. & Ecclesiam, ingenio suo atque scriptis illustrarunt. Ac super-

persunt etiamnum clara patriæ suæ lumina , quorum monumenta cuanquam nondum in lucem prodierunt, laude tamen quam merentur non carebunt. In opificiis attamen nostrates minus elaborant, sed externis plerisque opificibus antiquitus usi sunt, & utuntur etiam nunc non paucis. Rem porro familiarem diligentius curare, non ita pridem occœpi- mus, idque ab extraneis, pas- sim quæstus causa ad nos concurrentibus, concitati: unde velut invidia quadam parandis divitiis & avaritiæ totos jam nos ita dedimus, ut quod olim Senatoris filiæ centum marcarum dos fue- rat,

rat, nunc simplicis alicujus nobilis filiæ (quinimo & mercatoris jam) centum milium florenorum dos esse solet. Et non modo præstantiores genere, exoticis pannis & pellibus utuntur, verum etiam inferiores & plebeii serico, purpura, & auro vesciuntur: passimque jam equos argento exornari, in vasis argenteis comedere, argento altaria etiam in villis & pagis onerare, argentoque, auro, margaritis & gemmis vestiri mos inolevit: nec restat aliud nisi ut aurum & argentum comedamus. Cum majores nostri satis haberent, si ex agris & prædiis suis honeste cum familia vi-

vc-

verent , non luxum exte-
norum aut splendorem con-
fectarentur : unde litium
nunc origo , & civium assi-
duæ discordiæ. Nec rei mili-
taris tanta cura, quanta supe-
rioribus seculis existit, cum
quisque privatum commo-
dum sectetur , & cupiditate
ductus lucrum non gloriam
aut famam bonam quærat.
Exitere tamen semper , &
etiam nostra hac ætate, mul-
ti virtute bellica præstantes
viri (de quibus sigillatim ,
prout & de viris eruditis ,
scripsimus) ut Moschoviticis,
Livonicis, Tartaricis, Turci-
ciscq; expeditionibus , atque
hoc ultimo bello Prussico, vi-
dere licuit. Nec emarcuit vul-

go in Polonis vigor ille animalium, laudisq; bellicæ studium, si modo virtuti sua præmia non deessent.

VICTUS & VESTITUS.

VIctus genti nostræ dapsilior fere omnibus aliis Europæis, atq; ita in mensis ditiorum exquisitus, ut potissimum proventuum suorum partem Magnates, in aromata & vīta insūmant. Antiquitus siliginei panis, & cerevisiæ ex hordeo aut tritico factæ, promiscuus erat omnibus usus, & quasi quotidianus: nunc ja non elegantiores tantum, sed vulgus etiam ipsum, pane triticeo, atque vino in conviviis utitur; præsertim in urbibus majoribus, &

qui viciniores sunt Hungariae. Et plebs quidem vicana, succidia, vervecina, bubula, vitulina, lardo, lactariis, pisciculis, oleribusque potissimum mensam instruere folet: quarum rerum fora in pagis quoque, apud templa & parecias, festis diebus instituuntur. At urbanis & nobilitati multo delicior victus, mensaque eorum cum alilibus omnigenis, tum feris animalibus, avibusque & piscibus lautis usque ad luxum interdum onerantur: aromatumque diversorum, saccari, vini, confectionum, & aliorum exoticorum condimentoium, aut belliorum, maximus

ximus quotidie usus. Russis tamen & Lituanis, apud quos permagna est apum & mellis copia, mulsum, itidem prout & cerevisia cum lupulo aqua decoctum, infrequentius usu est, medonem vulgo vocant. Vestium vero genus, neque unum est, neque certum, aut suum cuique ordini, conditioni, ætati, & generi hominum: sed prout cuique diviti, aut pauperi placet. Exoticis tamen delectantur ut plurimum nobiles; milites autem potissimum inventores habitum fiunt. Sic quum bellum nobis cum Moscho fuisset, illorum more latas oblongasque togas, pellibus

preciosis, mardurinis, pan-
 therinis aut zebellinis sufful-
 tas, prægrandesq; pileos ge-
 stavimus. Postea vero quam
 cum Turcis in Valachia rem
 gessimus, equorū ornatus, sa-
 gos militares, nonnullasq; ob-
 longas, curtas, & asstrictas
 vester ab illis, atq; eorū sociis
 Tartaris, desumpsimus. Mox
 bello in Prussiā contra Suecū
 translato, laxiores caligas, cor-
 riaceas oblōgas ocreas, pallia,
 atque alia vestiū genera, Ger-
 manico habitui similia, nobis
 fecimus. Atque sic spatio dè-
 cennii unius, ter aut quater
 habitum vestium nostratum
 correxiimus, aut verius cor-
 rupimus permutando : cum
 statim licentiam militarem
 se-

sequuntur qui domi manse-
re, juniores præsertim, ne di-
gnoscantur, aut certè vilipe-
deantur ab illis, qui alicui ex-
peditioni interfuerunt. Idem
sanè faciunt & fœminæ, atq;
omnes Europearum matro-
narum habitus sibi usurpant,
& ad suū patrium accommo-
dant, prout cuiq;, tam diviti,
quam pauperi, libet. Commu-
nissimè tamen oīnnes pannis
extraneis, puta Germanicis,
Flandricis, Gallicis, Anglicis,
Hispanicis atq; Italicis utimur:
maxima autē pars sericis di-
versorum colorum, & panno
aureo. Nec obstat pretium,
quodè longinquo ista veniāt,
cum reperiantur nonnulli, qui
interdum sexaginta yestibus

P 3 quam

quam preciosissimis pro sua persona comparatis, etiam famulos suos similibus induant, & potissimum partem bonorum suorum in id ipsum impendant, ut splendide cum suo comitatu vestiantur, tam fæminæ, quam viri. Ad exornandos siquidem gladios suos, pileos, atque equos, non minus pretiosis gemmis utuntur & auro, quam & filiæ aut uxores ipsorum; quæ crenodiis, torquibus, monilibus, annulis, alioque mundo muliebri nimium delectantur. Et vidimus nonnullas saepius, nec valde divites tamen, totam suam uestem gemmis & lapidibus pretiosis usque

ad

ad talos exornavisse , lex
tamen sumptuaria nescio
quo pessimo fato nostro in
Comitiis Reipub. non præ-
scribitur, cum passim videa-
mus nimio isto luxu , maxi-
mas quasvis familias , ad
summam deinde egestatem
pervenire , cum ingenti op-
probrio & dehonestamento
majorum suorum. Et non
in vestibus modo hunc ni-
mium luxum & prodigalita-
tem quodammodo habemus,
sed in ædibus quoque & fa-
bricis ligneis , quæ nihil
sunt , nisi robus apte com-
positus ad comburendum; in
suppelæctili vatia , in con-
viviis & comedationibus ,
passimque jam laquearia

nunc,

nunc , & in privatis domibus
auto teguntur : parietesque
ædium non proceres modo ,
aut principes viri , sed mer-
catores jam & urbica plebs
pretiosissimis aulæis ac tape-
tibus vestiunt : Nec in urbi-
bus modo , sed etiam in villis
lautius habitare student , Ita-
lorum fere opificum opera
& industria . Jam autem iter
facientes , fœminæ quidem
carpentis , rhedis , cisis ,
aut curribus junctis sex e-
quis vehuntur : mares vero
vel iisdem , vel equis potius .
Pedestrem incedere per vi-
am , longiorem præsertim ,
minus honorificum vulgo
habetur . Prodeuntem in pu-
blicum nobilem virum juxta

ac

ac fœminam assieclis mari-
bus, fœmina in vero etiam
puellis pedissequis stipari
moris est. Et in eum usum
alit quisque domi suæ fa-
mulitium pro modo faculta-
tum, quos simili colore ve-
stium, non sine sumptu &
luxu vestiri usitatum est.
Plebeiis minor est hac in
parte cura fastus, atque
pomposæ ambitionis, exce-
ptis urbanis fœminis, quæ
& ipsæ bene cultæ, &
una aut altera pedissequa
comitatæ incedere student.

N O B I L I T A T I S
Prærogativa.

DOpulus Polonus in eque-
stre ordinem sive nobi-
lita-

litudinem, atque plebem distinguitur primo; deinde in Ecclesiasticum & secularem statum. Nobilitas ad regimen atque defensionem patriæ segregata, plebs ad agriculturam, mercaturam, & opificia: ex utriusque autem, ad colendum Deum sacerdotes fiunt. Nobiles, antiquitus vocabantur milites, nunc communissimè dicuntur Equites, ab equestri militia cui sunt obnoxii. Habentque multas & maguas prærogativas, quæ partim regum & principum munificentia firmatæ sunt, partim moribus & institutis invaluere. Censenturque iit tantum nobiles esse, quo-
rum

rum maiores virtutis ergo in
cum ordinem allecti , gen-
tilitio signo donati sunt : aut
qui nunc ipsi hoc meruere
virtute sua , & publico
Ordinum Regni consen-
su , militiae à Principe
sunt adscripti . *Præstabili-
us tamen habetur , nobilem
natum esse , quam factum .
Nasci autem patre simul &
matre nobilibus oportet , le-
gitimo conjunctis matrimo-
nio : quia nothi nobilibus
quamvis & illustribus orti ,
non censentur in familiis ,
neque nobilitatis præroga-
tivis solum suntur . Porro amitti-
tur nobilitas his duobus mo-
dis , Principis decreto nimi-
rum , ob admissum dedecus

&

& atrox aliquod facinus : & sordidi quæstus cupiditate , si quis videlicet desertis militiæ & agriculturæ studiis , mercaturam amplectatur , aut cauponationem artemve aliquam mechanicam exerceat . Est autem pari dignatione omnis Polonica nobilitas : nec ullum patritorum , Comitumve , aut Ducum discipiens ; omnes jure æquali & libertate gaudent : omnes una simul Regem sibi eligunt , leges in Comitiis per suos Tribunos sanctiunt , bella vicinis indicunt , fœdera cum illis statuunt , tributa imponunt , cundendæ pecuniæ modum præscribunt , & omnem penitus

Rei-

Reipub. administrationem in
manibus ipsi habent. Rex
tantum cum Senatu judiciis
& deliberationibus præsidet,
& quæ illi concluserint, mo-
deratur, & sua authoritate
pondus addit, nomenque ta-
bulis & titulum Regium
præscribit. Item, honores
& beneficia distribuit, ma-
gistratus creat, & bonos præ-
miis pro libitu, malos vero
pœnis, nonnisi cum scitu o-
mnium ordinum regni affi-
cit: ne forte, si ipse vitæ &
necisjura teneret, ad tyranni-
dē prolaberetur. Unde nem-
inem è nobilitate captivare
potest, etiam in crimine per-
duellionis, nisi jure convictū:
nec captum capite plesti, nisi

Sen-

Sententiis Senatorum roga-
tis: qui itidem sunt ex nobili-
tate delecti, & paribus præ-
rogatiyis cum illis vivunt.
Quare , multos ex humili
loco ac tenui fortuna vide-
bis, non modo ad mediocres,
verum etiam ad summos
nonnunquam honores , am-
plissimasque facultates &
opes, Regum benificentia, ob
virtutem proiectos ; paucos
autem ob scelerum atrociti-
atem ab illis punitos : quod
a nobilitate maxima semper
honestatis ratio habeatur ,
etsi in summa paupertate.
Fraudem facere , promissum
fallere , pejerare , mentiri ,
probrosum & infame est : &
si quid ejuscemodi in probri
loco

loco cuiquam objiciatur, præsertim ab ejusdem ordinis viro, non tam legibus & magistratum judicio, quam ferro manuque vindicatur. Cum autem Rex causas & actiones nobilium, per appellationes ad judicium suum devolutas, expedire ob occupationes, quæ illi semper maximæ, non usquequaque potuisse, consultum illi esse volentes justitiæ & rebus suis, eam judiciorum formam, non ita pridem adinvenerunt, quæ alibi Parliamentorum est, apud nos Tribunal appellatur: quo singulis annis, ex singulis provinciis, omnium consensu viri e nobilitate præcipua eli-

eliguntur, & ad loca jam per-
petuo destinata mittuntur,
ut causarum differentias se-
cundum leges & statuta de-
cidant. Quod cum sit ulti-
mæ instantiæ, provocatio
ab eo non datur: nisi ex pa-
ritate sententiarum causa ali-
qua remittatur ad Comitia
Regi & Senatui discutienda
atque determinanda. Cum
extra Comitia Rex sibi tan-
tum causas cognoscere po-
test, aut differentias inter
tenutarios in bonis suis re-
galibus: tum quoque civi-
tatum, oppidorumque Regni
controversias, quæ jure Sa-
xonico utuntur. Quod si Rex
quandoque ab officio suo
defleteret, & vel in judiciis,

vel

vel in aliis rebus ac modis,
publicas libertates suorum
opprimere aspiraret, autho-
ritate Senatoria, qui ad hoc
attentandum juramento sunt
obligati, & per vices in Re-
gia manere tenentur, facile
prohibetur: saepiusque illi
acerrimè sententias dicunt,
cum de Repub. deliberant,
& Regem imprudentius re-
gnantem objurgant, atque
sic uno consensu, sanctissima
majorum instituta, & com-
munis patriæ charissimas le-
ges, ad extremum vitæ de-
fendunt.

LEGES & STATVTA.

Leges olim Poloni scri-
ptas nullas habuere, sed

ab origine imperii, usque ad
Casimiri Magni tempora,
jus omne in Principis arbitrio erat. Licetque ante ejus
tempora, & Christiani jam
per longam ætatem fuissent,
& literarum scientias optimè
callebant, ut passim in Se-
natū, & magistratibus tam
secularibus quam spirituali-
bus, Doctores legum & ar-
tium magistri reperirentur.
prout in veteribus nuniten-
tis cuique videre licet. Nu-
quam tamen lex aliqua aut
statutum Principis scripto
promulgabatur, sed moribus
tantum & consuetudinibus
antiquis regnum admini-
strabatur: lites vero & causæ
privatorum, arbitrio bono-

rum virorum determinabantur, qui Principis iussu, provinciarum Judices erant. Casimirus itaque Tertius, ob prudentem regni administrationem Magnus cognominatus, primus ipse & nobilibus leges certas scriptas dedit: & urbicæ plebi, jura à vicinis Saxonibus accipere ex facili permisit, quod assiduis supplicationibus Germanorum, qui passim tum in Poloniam habitatum lucri causa veniebant, sollicitaretur, ut similem patriæ suæ urbium administrationē haberent, & inter Sarmatas jurium ignaros, Consulum & Advocatorum honore, advenæ eminerent. Atque

hinc mos invaluit, ut omnes
Poloniæ civitates, in hodier-
num jure Saxonico (quod
vulgo Magdeburgense vo-
catur, quia ex illa metropoli-
tum Saxonie urbe fuit allat-
um) tum plebiscitis quæli-
bet propriis, & Constitutio-
nibus Regiis utantur. Nobis-
les autem, tam ad regimen
politicum, quam ad priva-
torum causas determinan-
das, jus peculiare suum ha-
bent: partim à Regibus su-
perioribus, qui post Cazi-
mirum Magnum, usque ad
ætatem Sigismundi Augusti
inclusivè regnarunt, vigore
legis traditum; quod volu-
mine singulari a viris doctis
complexum, Statutum Re-
gni

gni vocatur : partim quod recentioribus & nostris iam temporibus , ipsimet sibi in Comitiis publicis , approbantibus tamen Regibus cum Senatu, conscripserunt, & vocantur Constitutiones. Quæ , pro rei & temporis exigentia , saepius immutantur, abrogantur , aut reassumuntur , omnes ex æquo provincias regni obligando, licet nonnullæ jura sua pragmatica habeant , præsertini Lituania & Volhynia , quæ in decisionibus causarum , propria statuta sua obseruant. Tum Prussia quoque, Ducalis juxta ac Regia, quæ omnis ferme jure municipali utitur , quod vulgo Cul-

Q 3 mense

mense vocatur: tribus civitatis exceptis, Elbinga, Brunsberga & Fraumburgo, quæ jus Lubecense amplexæ sunt.

R E G I M E N *Political.*

DOloniæ regime est compositeum de tribus priuis & simplicibus Rerum publicis formis, quæ vel unius, vel paucorum imperio, vel multorum omniumve quadam æquabilitate juris continetur. Habemus siquidem Regem, non successione, sed electione creatum, qui est absolutus executor legum in Comitiis factorum. Habet Senatum, e præcipua no-

nobilitate selectum , & ad custodiam carundem legum deputatum. Habemus municipales nuncios , liberis uniuscujusque provinciæ suffragiis electos, & ad statuendas in Comitiis leges velut Tribunos aliquos designatos, qui & Regis potentiam, & Senatus nimiam autoritatem restringunt. Et sic unanimi omnium studio, certis sane iisque angustis finibus, regia potestas in factum & equestrem ordinem , & utrique subjectos homines, atque bona , circumscripta est. Ac in sacerdotes quidem, jam inde ab initio susceptæ religionis Christianæ Rex nihil prouersus juris habet. De

Q 4 equi-

equitis vero capite & fama,
non nisi in Comitiis cum Se-
natu judicat : certis aliquot
causis exceptis. Senatu vero
& Tribunis inconsultis , ne-
que bellum cuiquam facit,
uti supra diximus, neque sœ-
dus publice cum quoquam
icit, neque tributa , vectiga-
lia ac telonia nova instituit,
neque leges novas scribit,
aut monetam signat , neque
alienat quicquam de bo-
nis regni neque transcribit
quemquam in ordinem e-
questrem , neque rem ullam
majorem ad Rempub. perti-
nentem statuit aut facit. Be-
nè autem ipse Episcopos
& Abates nominat , Pa-
latinos & Castellanos , Mar-
schal-

schalcos, Cancellarios, The-
saurarios , Ducesque mili-
tiæ creat , redditus coronæ
dispensat , & præfecturas di-
stribuit, Comitia indicit, ma-
gistratusque omnes & ju-
dices eligit. Denique univer-
sos Reipub. honores , solus
prout illi placet & lubet, con-
fert : habetque in manu o-
mnes modos remunerandi,
beneficioque afficiendi quo-
cunque voluerit.

Porro Senatores qui Re-
gi adhibiti sunt , ut & consi-
lia actionesque ejus , ad sa-
lutem Reipub. & judicia , ad
justitiæ & æquitatis truti-
nam dirigerent, numerantur
ex omnibus provinciis col-
legati, tam spirituales, quam

Q s secu-

seculares , centum quinquaginta. Namque tres noviter addidit Vladislaus I V. puta Episcopum Smolensensem Palatinum & Castel. **Czernech.** Suntque ordinis quadruplicis, Episcopi, Palatini, Castellani, & Officiales maiores, qui omnes jurati ad hoc collegium & ad consilium admittuntur. Et perpetuum est hoc munus quo ad vivit quisque , certis annexum honoribus & magistratibus , partim Ecclesiasticis, partim profanis: abrogari verò nemini potest , nisi per maximam vel medium capitatis diminutionem, hoc est libertatis civitatis ve, sive nobilitatis & bonæ famæ amissio-

sionem: aut si quis alium magistratum honoremve adeptus sit majorem, quem cum priori tenere jure non possit. Sunt autem Archiepiscopi duo, Gnesnensis & Leopoliensis. Episcopi quindecim: Cracoviensis, Cuiavensis, Vilnensis, Posnanensis, Plocensis, Varmiensis, Luceoriensis, Piæmisliensis, Samogitia, Culmensis, Chelmensis, Kioviensis, Camenecensis, Vendensis, atque Smolensensis noviter fundatus. Qui omnes, quo ordine nunc a nobis enumerati sunt, cum perpetuo servant in Senatu, dicendaque sententia, & in publicis celebratibus. Palatini, triginta
qua-

quatuor. Cracoviensis, Posnaniensis, Vilnensis, Sandomiriensis, Calissiensis, Trocensis, Siradiensis, Lanicciensis, Brestensis, Kiovensis, Inoulodislaviensis, Russiae, Volhyniae, Podoliæ, Smolenscensis, Lublinensis, Polocensis, Belzenensis, Novogrodensis, Plocensis, Virebscensis, Massoviæ, Podlachiæ, Ravensis, Bresciensis, Culmensis, Mscislaviensis, Marieburgensis, Braslavienensis, Pomeraniæ, Miscensis, Vendensis, Derpatensis, Parnaviensis, Czerniehoviensis noviter à Vladislao. I V. institutus, & Capitaneus Samogitiæ, qui solus ex omnibus omnium

pro-

provinciarum & districtuum
præfectis Senatum ingredi-
tur, Castellani, tam majores,
quam minores, numero o-
ctuaginta septe Cracoviensis
(qui omnes Palatinos ante-
cedit, primumque locum
post Episcopos, inter secula-
res Consiliarios capit) Vil-
nensis, Trocensis, Posnanien-
sis, Sendomiriesis, Calissien-
sis, Voinicensis, Gnesnensis,
Siradiensis, Lenciciensis, Sa-
mogitiæ, Brestensis, Kio-
viensis, Inouladislaviensis,
Leopoliensis, Volhyniæ, Ca-
menecensis, Smolenscensis,
Lublinensis, Polocensis, Bel-
zensis, Novogrodensis, Plo-
censis, Vitebscensis, Cernen-
sis, Podlachiæ, Rayensis, Bre-

sciensis, Culmensis, Mscislaviensis, Elbingensis, Braslaviensis, Gedanensis, Miniscensis, atque **Czernichoviensis**. Et hi dicuntur miores, quia cum cæteris Senatoribus, tam Ecclesiasticis, quam secularibus, ad omnia etiam secretissima consilia admittuntur. Minores vero non item, & sunt isti, Sandecensis, Medirecensis, Vissliensis, Biécensis, Rogosnensis, Radomiensis, Zavichostensis, Lendensis, Sremensis, Zarnoviensis, Malogosten-sis, Vielunensis, Præmislien-sis, Haliciensis, Sanocensis, Chelmensis, Dobrinensis, Polanecensis, Præmetensis, Criyinensis, Czechovien-sis,

Naclensis, Rospitiensis, Bie-
choviensis, Bidgostiensis,
Bræsinensis, Crusvicensis,
Osvecimensis, Camenensis,
Spicimiriensis, Inouloden-
sis, Covaliensis, Santocensis,
Sochaczoviensis, Varsovien-
sis, Gostinensis, Visnensis,
Raciosensis, Sieprcensis, Vi-
sogrodensis, Ripinensis, Za-
crocimensis, Ciechanovien-
sis, Livensis, Slonsensis, Lu-
baczoviensis, Conariensis
terræ Siradiensis, Venden-
sis, Derpatensis & Pernavi-
ensis, Covariensis terræ Len-
ciciensis, Conariensis terræ
Cuiavensis. H̄os sequuntur
deinde Officiales Regni ma-
iores decem. Maſchalcus
Regni Poloniæ supremus,

& Marschalcus curiæ regni :
Marschalcus Magni Ducatus Lituaniæ Supremus , &
Marschalcus Cutiæ Magni Duc. Lit. Cancellarius Re-
gni Poloniæ, & Vicecancellarius : Cancellarius Magni D. Lit. & Vicecancellarius.
Thesaurarius denique Re-
gni Poloniæ , & Thesaura-
rius Magni Ducatus Litua-
niæ. Palatini dicuntur, vete-
rum Romanorum more, Du-
ces satrapiarum : unde mu-
nus quoque eorum apud nos
idem est , esse ductores co-
piarum districtuum suorum,
in expeditionibus bellicis.
Castellani vero à castellis si-
ve oppidis , quæ singuli sin-
gula habent attributa , sic

appellantur : & sunt quasi
legati Palatinorum, Ducto-
resque & præsides nobilita-
tis sub suo quisque Palati-
no : Sunt autem in Palatina-
tu uno aliquando plures ca-
stellani. **Officiales** demum
regni, ab officiis & functio-
nibus quibusdam publicis,
quibus funguntur , ad uni-
versam Rempub. pertinen-
tibus , hanc sumunt commu-
nem appellationem. Sed
sunt & alii officiales extra
ordinem Senatorium positi,
trifariamque divisi : alii
qui totius Regni, aut Magni
Ducatus Lituaniæ officiales
dicuntur , ut Exercituum
Generales, **Referendarii**, **Po-**
cillatores, **Dapiferi**, **Vexilli-**
R **feri**,

feri, cæterique similes: alii
aulæ Regiæ officiales, ut Camerarius supremus, Præfecti
& Vicepræfecti Stabuli, Culinae, Curruum, Venatores,
Secretarii: & alii denique districtuum, seu provinciarum
officiales, ut urbium præfeti, Judices, Gladiferi, Quæ-
stores, Tribuni, aliquæ plures quos terrestres officiales
nuncupamus, qui certas suas
functiones habent, in sua
quisque satrapia seu tractu,
vel ut vulgo loquuntur, terra:
: quarum quælibet olim,
discerpto in multos domi-
natus regno, suum Ducebat
habuit. Omnes autem isti
tales, solius Regis arbitrio
creantur, & e sola nobilitate,

qui deinde ad senatorias dignitates assumentur : quoū etiam opera Rex prout illi visum fuerit , utitur in legationibus , in commissionibus , in finibus regundis , in contributionum publicatum exactiōibus , in militia , & id genus muniis publicis . Atque ita potentissimus quamvis Rex Poloniæ sit , & supremus omnium coronæ subjectarum provinciarum Dominus , tamen secundum legem & senatus præscripta vivere tenetur : regnumque ipsum amplissimum , licet , regio imperio gubernatur , nobilium nihilominus vigilantia & libertate , tam regia majestas , quam senatus

authoritas quodammodo temperatur, intraque æquitatis terminos omnes ordines regni cum ipso Rege continentur. Et cum omnibus eadem sit perpetua & constans tuendæ publicæ libertatis, & propagandi imperii voluntatas: nihilominus regiam majestatem sic cuncti reverentur, amant, & honorant, ut injussu illius nihil penitus in Repub. faciant, pro ejus auctoritate incolumitate & gloria, vitam ac possessiones privatas omnes effundere sint parati.

VASSALI.

TRes præcipui vasalli sunt Regni Poloniæ.

Dux

Dux Prussiæ : Dux Curlandiæ : & Princeps Valachiaæ. Duo illi hæretici sunt , tertius iste Schismaticus. Qui omnes , etiamsi Regem , tanquam regni seudatarii , superiorem agnoscant , & honoraria , pensionesque debitæ , in signum subjectionis , statis temporibus præsentet ; non sunt tamen viva membra regni , ut cæteri incolæ Poloniæ : non veniunt ad Comitia regni , ut Principis Consiliarii : non habent suffragia in electione Regis : nec partem in gubernatione regni : nec pro dominis naturalibus habentur , sed pro extraneis , sicut vere sunt , quia deficiete in illis prole mascula

(Valachia excepta) Principatus illi ad coronam directe, tanquam membra ad suum corpus adjungentur. (uti nuperime adjuncta est illa pars Pomeraniæ ratione cuius Duces Stetinenses Homagiū Regibus Poloniæ præstabant) Unde subditi ipsorum nunc etiam in causis gravioribus ad Regem tanquam ad supremum Dominum & judicem recurrent. nec possunt tyrannide opprimi à suis Principibus. Non item jam Moldaviæ seu Valachiæ populi , quia Principes ipsorum Turcam potius supremum Dominum recognoscunt, non, ut ante, Polonum; cuius modo majesta-

tem tantum venerantur , & velut potenti vicino , statim temporibus honoraria mit-tunt. Olim tributum directe perfolvebant , & a Rege investiti , jurabant in verba ejus : nunc à Turca absolute Principatus insignia , & corporis custodiam habent. Quamvis fædere æquo inter Polonos & Turcas, etiam ante bellum Chotimense in pacem mutuam sancito , disertis verbis caveretur , ne provinciam illam cuiquam Turcarum Imperator unquam, præter Poloniæ regis voluntatem committeret : utque is, qui eam obtineret, Regi quoque Poloniæ fidelis esset.

RELIGIO.

Christianam religionem Polona gens, abjecto semel impio dæmonum cultu ; septingentis circiter jam annis constanter retinet , religioseque colit , hæreticarum novationum insolens & impatiens , avorum nostrorum ætate, quando Huslus & Vincelus virus suum in Boëmia diffundebant. Sed postquam Lutherus , cum aliis suæ farinæ hominibus , patrum nostrum memoria, per totam Germaniam zizania disseminavisset , quæ nobis vicina est, & commercia ferè quotidiana nobiscum habet, prætextu seu verius abusu libertatis,

tatis, nescio quæ non pestes
Poloniæ invaserant, infec-
cerantque mentes hominum
nostrorū, ut per annos com-
plures diversi diversa de re-
ligione sentirent, & quisque
se judicem & interpretem
scripturarum putaret. Sed
nunc iterum Deo bono fa-
vente, in toto Regno Polo-
niæ religio Catholica præ-
cipua est: nec in Senatum ad-
mitti, aut ad minora subsel-
lia vocari quisquam potest,
nisi Romanæ professionis.
Et majores nostri, tantæ
pietatis statim à recepta fide
fuerunt, ut Ecclesiarum An-
tistites in Senatu' locum,
eumque primum habere vo-
luerint, ut omnibus consiliis

adhibiti præsentes, diligenter pro suo munere animadverterent, ne quid in legibus, aut moribus populi, contra Ecclesiæ sancta pectaretur. Eandemque ob causam etiamnum Tribunaliciis judiciis seu Parliamentis, minoris Ordinis mystas, e singulis Cathedralium Capitulorum Collegiis, piissimi Reges, interesse jusserunt. Sanctioribusque curis Regni & scripturis, prisco more, vel maxime tum, cum pertinacissimi hæretici Antistites e Senatu ejicere conarentur, cum maxima potestate præfecerunt, ita ut & Cancellarii & Procancellarii munus, alternatis vicibus penes

penes Episcopos maneret.
Majorque Secretarius Re-
gni semper ex Ecclesiasticis
esset; frustra reclamantibus
adversariis fidei , qui sub
extremam ætatem Sigismun-
di Augusti Regis sapientis-
simi , & potissimum interre-
gnorum tempore nimium
invaluerant. Cæterum dili-
genti vigilantia sanctissimo-
rum Præfulum , sapientium-
que Regum studio (maxime
vero pietate Divi Sigismun-
di III.) vix non omnes
jam eradicati fuerunt. Ve-
rum Græcanici ritus homi-
nes in Russia , & Litua-
nia passim legibus antiquis
tolerantur , sicut & Arme-
ni : partim Pontifici Ro-

mano

mano per obedientiam sub-
jecti, partim non , qui Epi-
scopos suos , & complures
Abbates habent : & ritibus
atque institutis Ecclesiasti-
cis magis, quam dogmatibus
religionis à nobis dissen-
tiunt. Sunt quoque & He-
brei passim in toto Regno ,
& Scythæ Mahometani in
Lituania & Volhynia , qui
suos quoque ritus & super-
stitiones habent ; sed qui ne-
minem à fide Catholica avo-
cant , aut malo suo exem-
plo inficiunt, ut assolent Hæ-
retici. Fides igitur Catholi-
ca in toto Regno præcipua
habetur , magnusque ut par-
est , omnibus sacerdotibus
honor habetur , solo sacer-
dotii

dotii nomine: & omnes Romanum Pontificem, ut summæ sedis Episcopum, ut omnium Episcoporum patrem, ut universalis Ecclesiæ caput, ut Apostolicum reverenter agnoscunt.

O P E S.

NEQUE magnæ, neq; contemnendæ sunt opes Polonorum, sed tales, ut omnes bellorum expeditiones hæc tenus suis metreditibus peregerint, sumptusque quosvis maximos in coronationes, nuptias aut sepulturas Regum suorum, ære proprio exsolverint, nullius vicini populi auxilio egentes. Et quamvis nonnulli Reges nostri

noſtri , ob nimiam prodi-
gatatem ſuam , fœneratorum ,
aut cognatorum Principum
pecuniis , ad privatas ſuas
necessitates aliquando uſi
fuerint : nusquam tamen vel
in maximis necessitatibus
Respub. extraneorum emen-
dicabat opem , aut mutuaba-
tur aurum , etiam tum , cum
nondum ipfa pecuniam ſi-
gnaret . Olim enim proprium
non habebant nummum Po-
loni , ſed externis , & maximè
Boemicis uſi ſunt aliquam-
diu , quod metalla minus no-
ta eſſent nobis . Primus Ca-
zimirus Magnus æs & ar-
gentum ſignari jussit , poſtea
tandem ſero Alexander Rex ,
Sigismundusque Senior , au-

reos

reos nummos cuderunt: quorum imitatione Rex Serenissimus modo, & argentum ad exemplum Germanorum, & aurum bonitate & pondere Ungaricorum signari jubet. Sed utriusque pretium sextuplo fere crevit, quam fuit avorum nostrorum memoria, ut signari cœperat: partim propter luxum, & crebriorem auri usum, exportationemque ad exterros: partim propter deteriorem reliquam monetam, cu pondoris diminutione, tum æris admixtione. Per magnus est autem nunc apud nos usus externæ monetæ, sed aureæ atque argenteæ tantum, quæ pro mercibus undeliberet im-

portatur : quanquam commutatione merciū permulta peraguntur. Exportantur autem è Polonia, sīlīgo, tritīcum, orīdeum, avena, milīum, papaver, pultes diversæ atque legumina, lana, linum, canabes, lupulus, coria, sebum, alutæ, mel, cera, succinum, pix, cinis, mali, afferes, cæteraque materies fabricandis navibus, & ornandis domibus apta. Item sal, cerevisia, vitriolum, nitrum, lazurum, coccus, æs, plumbum, ferrum, cuprum, orichalcum, carbones terrei, vasa vitrea, equi, boves, verveces, porci, lardum, aliaque innumera quibus vicini & etiam transmarini populi a nobis indigent

gent. Et a quibus vicissim ad nos importantur panni sericei, aurei, lanei, lincei que subtiliores, aulæa tapetes, & alia parietum, equorum, & hominum ornamenta, quorum opificia minus exquisita sunt apud nos, licet non desit materia, & aliis gentibus suppeditetur. Importantur etiam margaritæ, gemmæ, pelles preciosæ, husiones seu mariani, haleces, & alia salsamenta, & vento vel sole durati pisces marini. Adhæc argentum, aurum, stannum, & calybs, cum facta, tum infecta: vina demum & aromata, & varia eduliorum condimenta atque cuperiae, sine quibus bene pos-

S set

set stare patria nostra , si ad veterum Lacedæmoniorum rigorem ordinata esset . Cum itaque plures merces nostras mittamus extra regnum , quam indigeamus externis , eisque non tam ad necessitatem , quam ad luxum sp̄etantibus , consequens est , ut non penitus inopes dicamur , respectu aliorum Europeorum qui & mercimoniis & opificibus diversis , & metallorum abundantia , & œconomiae demum diligenti administratione multo nos antecedunt .

MILITIA.

QUia suis rebus contenti ,
nusquam bella offensi-
va

va vicinis populis Poloni inferimus , nisi forte prius laceressiti ab illis : idque potius ad ulciscendum injurias , recuperandumq; ablata , quam ut invadamus possessiones eorum , & dominemur illis. Ideo & militiam quoque nostram , defensioni verius patriæ aptam habemus , quam expugnationi urbium alienatum , fortissimorumque propugnaculorum , qualibus vicini nostri confinia sua à nobis muniunt. Proindeque exercitus nostri majori ex parte equitatu constant , qui è præcipua nobilitate est , ut in campos apertos excurrant , procedantque obviam venienti hosti , prius quam ille

fines nostros attigerit. Pedites autem paucos habemus, eosque è plebe omnes, non ita ad pugnam, quam ad labores castrenses evocatos, ut nimirum fossas dum opus fodiant, vallum excitent, pontes construant, vias sternant, tormenta & impedimenta bellica conducant, atque demum castra ipsa custodiant. Quod si vero oppugnationem loci alicujus meditamur, tum è Germania aut Ungaria mercenarios nobis pedites adducimus, qui sunt exercitatores nostris. Equitibus autem semper contenti sumus nostris: qui, si generali edicto ex omnibus provinciis ad

propugnandam patriam evocati sunt, extra fines regni ultra quinque millia procedere non debent. Si autem procedere necesse sit, tum statim in Comitiis, quæ semper bellum præcedere debent, militem stipendiarium decernimus. Qui quidem cum è præcipua nobilitate conscribatur, ita in pugnis solet esse animosus, ut in maximis etiam periculis sese non deserat, neque animum desponeat: & ut audaces fortuna juvare consuevit, validissimos hostium exercitus, exigua suorum manu in campis adoriantur, & sæpissimè vincat. Sic sub Divo Sigismundo I. (ut hic vetu-

stiora omittam) Lesniovius
mille quingentis hastatis ,
quadraginta millia Moscho-
rum aggressus , in fugam o-
mnes verit , & novem circi-
ter millia ex illis occidit. Sic
Boratinius similiter duobus
millibus equitum , tredecim
millia Moschorum adortus ,
miraculosam ex illis victo-
riam reportavit, septem mil-
lia occidit, & tormenta bel-
lica omnia ademit. Came-
necius sex millibus suorum ,
viginti quinque millia Tar-
tarorum in acie prostravit.
Tarnovius quatuor milli-
bus, viginti duo millia Tur-
carum atque Valachorum
cecidit, & quinquaginta duo
tormenta bellica accepit. Sub

Augusto autem Rege Sigismundi F. Radivillus septem millibus ad Vlam, triginta Moschorum millia delevit, & arcem ipsam die eadem expugnavit. Et Sapieha quinque millibus Vendam defendit; & viginti quatuor Moschorum atque Livenum millia una acie prostravit. Sub Stephano deinde Rege, Zborovius non integris duobus millibus, totum rebellium Dantiscanorum exercitum, ex transmarinis populis conscriptum una dic delevit, & praeter captivos ultra octo millia cæsorum in acie numeravit. Denique sub auspiciis Divi Sigismundi III. Zamoscius non totis

sex millibus Archiducem Maximilianum circiter octodecim millia in castris habentem non tantum devicit, sed & ad dditionem coegit. Cazigerejum Scytham, cum septuaginta millibus in Poloniā tendente, in campis Cicerae tribus millibus suorum, ita retudit, ut multis millibus in acie amissis statim in Tauricam suam rediret. Chodkiewicius vero tribus millibus Suecum in Livonia adortus, novem de ejus exercitu ad Kirchholmiam occidit, quatuor millia captivorum habuit. Similiter tribus millibus equitū Zolkiewius, octuaginta Moschorum millia inopinato ad

Clussiniam aggressus , o-
mnes statim in fugam vertit ,
& tres Germanorum legio-
nes in eodem hostili exerci-
tu captas cum Duce suo ,
Comite de Pontibus , ad
Regem , Smolenscum duxit .
Koniecpolscius quoque nu-
perrimè in Prussia quinque
equitum cohortibus , no-
vem millia Gustavum ad
Stumam habentem , auda-
cter aggressus , cæsis ultra
mille , in fugam cum turpis-
simam vertit , & omnia tor-
menta bellica illius accepit .
Et ad Amerstinum in Po-
merania , duas ejus legiones
naestus , manibus non con-
sertis , ad ditionem statim
coegit , cum non ex integro

duo millia equitum secum haberet, peditem omnino nullum. Sic nostri semper hostis quamvis validissimi impavidi, quem campestri prælio, licet exiguis copiis impares alacriter adoriuntur. Et sunt equites ipsi quasi in quadruplici differentia: pedites in duplice. Ex equitibus, alii sunt gravioris armaturæ, & alii levioris: & qui gravioris armaturæ dicuntur, alii sunt hastati, & vulgo Hussari vocantur; & alii sclopetis tantum armati, & vocantur Harcabusseri: utrique autem isti, ferreis thoracibus atque galeis sunt vestiti. Levioris deinde armaturæ, alii sclopetis ob-

longis, alii autem faretris & lanceis brevioribus sunt armati: & utrique loricis induiti, atque communi nomine Cosachi appellati. Pedites verò, alii vocantur Haiduci, qui sunt è Polonia, aut Hungaria conscripti: alii Cosachi Zaporosenses, qui è partibus Russiæ vicinis Scythiaæ, ultrò nomina dant militiæ, & ducem suum proprium, disciplinamque castrensem habent. Omnes autem isti, frameis incurvis seu acinacibus, & sclopetis oblongis in prælio utuntur: nisi quod illi priores, uniformi vestium colore à Rege donantur: isti, rudi panno tecti, equos singuli serè

atque

atque currus habent , quibus deinde castra sua muniant , & in prœliis loco aggeris aut sepimentorum contra potentiam hostis utuntur (Sed hæc sufficientus in Equite Polono ad Urbannum VIII. Pont. Max. prescrifsum) proque occasione & necessitate , partim in equis , partim pedes pugnant : partim denique naviculis suis consensis maria pervolant , & Turcæ ditiones infestant . Ut igitur omnis serè equitatus noster (præter seruos) è nobilitate est , sic totus peditatus è plebe , præter cohottium ductores & præfectos Haiducorum . Nam **Cosachorum Zaporosen-**

sium, uti centuriones, & Chiliarchæ, sic & Dux ipse, quem è medio sui eligunt, plebejus est. modo artis bellicæ peritus sit & fortunatus, alias deponitur statim, & alter illi surrogatur. Quæ sequentes, terra & mari Scythes Tauricanos, atque Turcas assiduè bello laces- sunt, & maximas de illis sæpiissime victorias referunt, adeo ut jam aliquoties Constantinopoli nostra ætate trepidatum fuerit.

VIRES.

Doloniae vires & numero & natura sunt tales, ut pauca Europæ regna eas æquent, nullum vero superet: &

& si ordo , qui est anima rerum, melior apud nos esset , proculdubio nos cunctos occidentis populos superaremus. Cum enim ad potentiam & firmitatem cuiusque status , requiratur numerositas virorum bellicosorum , abundantia commeatuum , pecuniarum magnitudo , armorum sufficientia , & frequentia munitionum. Nullum prorsus ex praedictis conditionibus , debite & convenienter habemus , quamvis singulas , præ aliis gentibus , excellenter quodam modo possideamus. Et quantum ad viros bello aptos , & militiæ peritos : certum est Regem

Poloniæ, posse ducenta equitum millia habere, absque ullis stipendijs, & oneribus publici ærarii: quorum quilibet sumptu proprio, vel eo nomine quod nobilis sit, militare tamdiu tenetur, donec vel bellum finiatur, vel a Rege in hyberna omnes dimittantur. In tanta igitur nobilium multitudine, quæ præter armorum tractiōnem, aliam professionem non habet, quid mirum si duces bellorum aliunde non quæramus? & optimos imperatores inter nos habeamus? Habituri multo plures & excellentiores, si virtus unquamque, non divitiæ aut vetustas familiæ, ad dignita-

gnitates & officia Reipub.
promoveret: sed quia pau-
perem esse, vitio seculi pro-
brosum est, ideo pauci in
magistratibus præstantes,
pauci in militia clari: illaque
ingens nobilium equitum
multitudo, quam diximus
ob malum Reipub. regimen,
nullatenus simul convenire
contra hostem potest, nam
aliter nudarentur provin-
ciæ, conterminæ potentibus
vicinis, quas utique custodi-
re oportet, cum militem in
urbibus præsidiarium nulli-
bi omnino habeamus, qui
imperium supervenientis ho-
stis aliquomodo reprimere
posset, præter paucas cohor-
tes in Russia, quæ excubant
a Scy-

à Scythis. Jam autem hostes undique potentes & parum fideles habemus, Turcam, Scytham, Moschum, Suecum, & Germanicam nationem: quæ licet variis fœderibus, & toties iteratis affinitatibus nobiscum juncta sit, semper tamen Principes eorum inhiant patriæ nostræ, & in omnem occasionem sunt intenti. Bene tamen potest, relictis ad custodiam provinciarum aliis, centum equitum millia in castris Rex Poloniæ habere: ut & Vladislaum olim Jagellonem contra Prussicos Crucigeros, ad Grunewaldum habuisse legimus, cum nondum coronæ Poloniæ, Prussia,

Pomerania , Curlandia, Livonia, atque Samogitia, populosisimæ provinciæ junctæ fuissent. Contra eosdem Teutones, filius ejus Cazimirus, præter Russos & Lituanos, ex sola tantum Polonia , sexaginta equitum millia ad Choiniciam duxerat. Hujus deinde filius Joannes Albertus , octuaginta nobilium millia , ex Polonia & Russia solum , contra Stephanum Valachiæ Principem, collegerat. Frater vero illius Sigismundus I. ex provinciis Magni Ducatus Lituaniæ quinquaginta duo millia contra Moschum ad Orsam conscripserat , cum Livonia nondum nostri iuris

ris fuisse, & Curlandia, quæ nunc ad Ducatum Lituaniæ pertinent. Itemque centum millia ad Leopolim habuerat, cum in Valachiam moverit, nulla satrapia Lituanicæ in commilitum evocata, præter aulicos, & voluntarios, qui ultiò Regem suum coniabantur. Similiter ejus filius Sigismundus Augustus, paucis è Russia stipendiariis, cum Duce Nicoloao Meletio evocatis, quum in Livoniam contra Teutones Marianos, Lutheri hæresim tum amplexos, expeditionem sumpfisset, centum & viginti millia armatorum, è sola Lituania, ei-que adnexis satrapiis ha-

buit. Jam autem nostra æta-
te , octuaginta millia arma-
torum bello civili ad Sendo-
miriam censebantur , cum
nihilominus potior pars re-
gni quiesceret, nec sumerent
arma contra Regem provin-
ciæ, nisi proceres quidam; è
quorum ordine pars major,
aut certè senior Regi ipsi ad-
hærebat. Et bello nuper cum
Turca durante , cum Di-
vus Sigismundus III. gene-
neralem nobilitatis expedi-
tionem edixisset, vix tres aut
quatuor satrapiæ ad Leopo-
lim convenerant, & jam nu-
merus ad quinquaginta mil-
lia (cum comitatu regio, qui
pedites Germanos complu-
res secum mercenarios du-

xerat) ascendebat : quid si omnes Regni provinciæ, uti fuerat imperatum, convenissent? Sed in ista multitudine, duo desiderantur , quæ in bellis gerendis maxime sunt nociva. Celeritas nimirum, & obedientia : quia & tarde nobiles sub signa conveniunt , Comitiis primo tot hebdomadas celebratis , sine quibus bellum edici non potest: & difficulter ab œconomia sua , uxoribus , atque liberis divelluntur , usque tertium edictum expeditio- nis bellicæ, prava consuetu- dine expectantes. Cumque jam ad locum designatum convenerint , tum se unitos & armatos animadvertis-

aut contra Regem , aut contra Senatum tutnultuantur. Vel etiam interdum Reges ipsi , tardius in expeditiō nem procedunt , & mora tempus elabi ultro patiuntur ; ne vel à nobilitate ob malum regimen exagitentur, vel prætensioni illorum, cum diminutione suorum reddituum aliquid tribuant. Unde incommoda ista Res pub. prospiciens , stipendia-
rio milite ordinariè bella per agere consuevit, generalem autem nobilitatis expeditiō nem, in ultimum tantum ca sum reservavit, ut , si vel tri buta non sufficerent, vel ho stis ita potens esset ut ei re sistere conscripto milite Ge-

neralis belli nequiret, tum ad generalem omnium nobilium expeditionem, tanquam ad ultimum remedium confugiendum putarent. Prout nuper præterito bello Turcico faciendum censuerunt, cum barbarus sexcentorum fere millium exercitū in nos duceret, Generalis militiæ cum septuaginta millibus stipendiario-rum, extra limites regni in Valachiam præmislus fuerat, ut eum obvius exciperet. Rex autem in confiniis quasi, ad Leopolim nobilitatem convocabat, quibus cum suppeditatum, præmisso exercitui cum filio, ire debuerat. Et si tum celerius, uti decretum

erat in Comitiis, superven-
nisset, profectò majores lon-
ge progressus belli fecisset,
majoremque sibi ac suis glo-
riam apud posteros paravis-
set. Quo autem in ejusmodi
expeditiones paratior nobi-
litas fieret, statutum est jami-
dudum publico Comitiorum
decreto, ut prima post Pa-
schatis festum Dominica, in
singulis satrapiis lustratio in
armis fieret, & quisque Pala-
tinus suorum provincialium
nomina in tabulas referret.
Quod, æquè ut & alia insti-
tuta patriæ, aut penitus ne-
gligitur, aut certe neglectim
peragitur, poena in delin-
quentes valdè levi assignata.
Sic pedestris quoque militia

Au-

Augusti Regis invento , tam
ex urbana , quām è pagana
plebe delecta ferè jam eva-
nuit , & vix aliquot centena
tantum numerantur , eaque
nullius frugi , qui quindecim
millia superare debuerant.
Reliqui omnes , avaritia præ-
fectorum , censum exsolvere
jussi , & rusticani laboribus
adscripti , cingulum milita-
rem deposuerunt. Stipendiis
nihilominus conscriptos , e-
gregiè sese in bellis gessisse
vidimus , & famem , sitim ,
æstum , frigus , laboresque
castrenses , multo fortiori
animo pertulisse observavi-
mus , quam aut Hungari ,
aut Germani , qui aërem
nostrum pati non possunt , &

vel diffugiunt , vel moriuntur. Quod si Ordines regni , vellent seriò curam rei bellicæ intre , possent absque omni dubio ducenta & amplius , præstantissimorum peditum , è pagis & oppidis deligere , quibus vel maximo hosti patriæ possent facillime resistere. Experimentum habemus in Cosachis Zaporosensibus , qui omnes rustici sunt , è pagis atq; oppidis nostris collecti , & nulla literatura prædicti ; nihilominus tamen in castris suis veterum Romanorum disciplinam habent , fortitudineque bellica,& rei militaris peritia , nulli in mundo nationi cedunt. Quibus si è to-

to

to regno dilecta juventus
adjungeretur, & sub præfe-
ctis atque Chiliarchis no-
bilibus, in arte militari exer-
ceretur, nullus penitus in or-
be Christiano Monarcha,
pares Regi Poloniæ vires in
suo regno haberet. De com-
meatu verò non est dubitan-
dum, quin tantam in bellis
multitudinem Rex Poloniæ
alere possit, cum sit cuique
manifestum, Regnum Polo-
niæ posse alia duo similia re-
gna, prout ipsū est, non mo-
do frugibus, sed & carnibus,
& alio companatico susten-
tare. Nihilominus nos Po-
loni, in qualibet expeditione
bellica fame laboramus, at-
que sæpiissime res jamjam ad

finem perductas, propter
commeatuum penuriam, tur-
piter deserimus. Quod to-
tum procedit ex. socordia
præfectorum belli, aut poti-
us Reipub. Ordinum, qui
dum aliquorsum bellum edi-
cunt, nusquam in partibus
illis de commeatu provident,
sed quod cuique militi fors
offert, id rapit in transitu; &
postea sese cum equis & fa-
mulis in castris sustentat. Fa-
me vero oborta, aut moibis
passim omnes intereunt, aut
nolunt obedire Ducibus suis,
& dilabuntur. Quod si vero
Respub. primum ibi de com-
meatu provideret, quo exer-
citum mittere vellet, &
commeatus ille, ob abun-
dan-

dantiam rerum omnium ,
parvo certe constaret , & ex-
peditionem propositam fa-
cile ad finem optatum dedu-
ceret. Jam autem quo ad pe-
cuniam , parata illa in ærario
nusquam reperitur , sed tum
demum , cum bellum per
Comitia edicitur , provin-
cialibus imponitur , vestiga-
liaque diversa bello finiendo
sufficientia statuuntur . Sed
& hæc ipsa , vel tarde confe-
runtur , vel non ex integro
in ærarium inferuntur , po-
tior pars privatorum cupi-
ditati cedit . Quæ si paulo
ordinatius colligerentur , at-
que etiam tum , cum bellum
nobis nullum est , moderate
imponerentur , & asservaren-

tur in promptuariis: profectò
& exercitus nostros celerius
in hostes educeremus, & mi-
litem ipsum obsequentio-
rem in bellis haberemus: qui
dum avaritia gubernantium
stipendia sibi retineri vident,
facile in perniciem patriæ
conjurant, quod jam sæpiissi-
me sumus experti. Hoc ta-
men vel maxime Regem
Poloniæ in bellis juvat, quod
Proceres Regni, & quique
nobiles ditiores, soleant in-
tegras equitum cohortes &
alas, sumptu suo proprio in
castra adducere, vel solius
patriæ amore. Pauperiores
verò, plures una collecti,
ducem sibi virum aliquem
strenuum eligunt, & ultiò si-

ne stipendiis , belli imperatorem sequuntur , ob id ipsum voluntarii appellati . Quod ipsum & Cossachi Zaporosenses faciunt ; interdum ad quadraginta milia pugnatorum collecti . Quoad arma autem . Hæc quisque sibi privatus curat e Germania , aut aliqua alia gente vicina portari : quia Rex aut Respub . nullum armamentarium publicum habet . Sunt tamen aliquot in locis depositoria tormentorum majorum , nuperrime à Serenissimo Rege Vladislao I V . instituta , sed plurā multò & ordinatiora civitates habent : itemque nobiles nonnulli & Proceres

Re-

Regni. Qui , cum bellum edicitur , & ipsi amore patriæ in bellum eunt , & tormenta secum majora , adhibitis omnibus necessariis conducunt. Rex autem quum nullas munitiones magnas habeat , quas armis providere deberet , quocunque expeditionem sumit , habet facile armorum sufficientiam , aut à civitatibus ditioribus , aut e suis armamentariis , quæ sparsim pluribus in locis parva ab antiquo sunt ditata. Cumque & Polonia ipsa non sit metallorum indiga , & Germania , quæ illis maxime abundat , statim in vicinia sit posita , non difficulter paratur , quod belli

belli exigentia postulat, magistris artis fusoriæ in regno existentibus. Quantum denique ad munitiones & fortalia; candidè fatendum est illa omnino in Polonia nulla existere, præter aliquot castella privatorum : idque sparsim per provincias & regnum, ut est Zamoscium, Lancutum, Zbarasium, Nesvizia, Lachovicia, Medirecia, Dubna, aliæque minutiores populationes. Cætrum tamen facile potuissent excitari plures, si Resp. in id operam suam intendisset, si quidem & lapidis & calcis, & ferramentorum atque lignorum copia ubique maxima in Polonia reperitur. Quum

autem non simus cupidi aliena invadendi , nostra facile vel pectoribus nostris tueri possumus; prout & haec tenus tutati sumus , aperto potius Marte cum hoste decentando , quam vel stratagematis utendo , vel propugnaculis sese includendo. Sic Germanos saepius patriam nostram invadere conantes , pectoribus nostris repulimus. Sic Turcam cum tota sua potentia venientem rejecimus. Moschum non tantum retudimus, sed totum etiam ejus imperium multoties pervastavimus. Scythas frequenter Russiam incurrentes, notabiliter castigavimus. Valachiam, Moldaviam & Bes-
sara-

sarabiam etiam privati multities depopulatí sunt, & Principes illis pro suo arbitrio imposuerunt. Restat solummodo Suecus, quem & olim & nuper acie quidein semper devicimus, ejicere provincia omnino non potuimus: partim quod sacerdia quadam, ad expugnandas munitas urbes non sumus apti: partim quod hæreticis illi passim fayentibus, domesticos proditores evitare nequeamus: partim quod provinciis illis sacerorum virorum possessioni semel dicatis, non sit prosperum penitus, profanos homines iterum frui: partim etiam, quod exardescente

vitio sacerdotii, hominum cupiditate, minus publicis rebus modo simus intehiti, quisque nostrum privato commodo studet: ex quo procerum assiduae discordiae, nobilium inobedientia, aulae suspiciones, Principis contemptus, rerum neglectus passum. Partim denique, quod Numinis irae difficile nos sit contravenire, quæ ob tot scelera publica in patria nostra impunita, hoc, quem minimi semper faciebamus hoste nos punit, & quasi publica hac castigatione, ad resipiscientiam benigne impellit. Sed

O mucro Domini, quo-
usque non requiesces? ingre-
dere

Simonis Starovolſc I. 309

dere in vaginam tuam, refrigerare, & file.

Cogita super nos cogitationes pacis, & non afflictionis, ut des nobis finem & patentiam, & invocabimus te, & vivemus.

F I N I S.



G. F.



a
G
J
i
U

32.

41623